



LE
PACIFIQUE,
OV
L'ANTI-SOLDAT
FRANÇOIS.



L'ande grace,

M. D C. IIII.





A V X L E C T E V R S.

MESSIEURS,
Que le tiltre
de mon Liure
ne vous en face iuger sini-
strement, ne ressemblez pas
à ceux qui iugent des beau-
tez des femmes au trauers
de leur masque : ne con-
damnez mon Liure par sa
couuerture, prenez la pei-
ne de le lire auant que de le
censurer. Il refute vn ar-
rogant, qui demande la
guerre, & corrigeant ses
animositez le preuue plus

4

Barbare que François : Il
vous conuie à continuer la
tranquilité du peuple, pour
participer à leur repos, &
pour voir la Iustice en son
lustre : à fin, dis-je, de ne
corrompre ceste belle deu-
se du Roy, Quæro Pa-
cem armis : La Paix est
octroyée à ses armes : Il n'est
donc plus necessaire de les
reprendre pour la troubler,
puis qu'il n'a combattu que
pour viure en repos : Je
sçay bien que l'Autheur
du Soldat François mettra
en jeu la temerité de ses
parolles pointillées, pour
combattre l'humilité de

5
mon stile: & qu'il dira que
i'apprends de luy, & qu'il
ne ſçauroit rien aprendre de
moy. Ie luy reſponds avec
Catō, que les fols ne peuuent
rien apprendre des ſages pour
ne pouuoir iuger de leurs
perfections: mais que les
ſages apprennent bien d'un
fol, pour en ſçauoir mar-
quer les fautes. Il me ſemble
que ie luy entens dire que ie
ſuis homme d'eſtude qui
m'eſfraye tellement, que
comme la Pie Romaine, le
bruit des trompettes me fait
taire: & luy eſt, comme ces
Corbeaux qui ne s'eſiouyſ-
ſent que de la deſſaite des

hommes: Et de ces Diuers
 qui ne chantent que l'arri-
 uée de la tempeste. Il dira
 encores que ie ne suis pas bõ
 François: de vouloir laisser
 croupir la valeur des Frã-
 çois, ny amy de leur reputa-
 tion, puis que ie leur veux
 oster les occasions de se signa-
 ler: Mais il est François en
 tiltre, Barbare en effect, de
 les vouloir sacrifier à sa
 passion, Et de les exposer
 au peril, sans leur pouuoir
 promettre de recompense.
 Pour dire que ie sois inutile
 aux armes pour en dissua-
 der les executions, il faut
 donc croire qu'il n'y peut

estre propre de n'auoir que
des inuectiues pour ses ex-
peditiōs ? D'ailleurs il
pourra dire, que ie suis mau-
uais Orateur, de n'observer
toutes les qualitez requises
à une oraison: mais le peut il
estre aucunement, de com-
mander & non de persua-
der la guerre? il faut plus de
soubmissiō au discours d'un
suppliant. Les Thebains fi-
rent plonger les harangues
aux Lacedemoniens, en
diminuant leur seigneurie.
Cela n'appartient qu'au
Roy de cōmander en peu de
propos ce qu'il veut qu'on

execute, & nō pas à un qui
 se dit simple Soldat & veut
 commander en chef? Pour
 dissuader la guerre ie ne m'en
 dispenserois pas, c'est que
 ie prefereray tousiours le
 bien du public à mon utilité
 particuliere, & voudroy
 perdre l'occasion de me con-
 tenter, pour luy donner du
 cōtèntement? I'estime que
 ton espée n'est pas si rude
 (soldat en peinture) que ta
 plume? tellement que pour
 acquérir vne reputation
 legitime, il te faudroit chā-
 ger la rudesse de celle cy, à
 la douceur de celle là, &
 ainsi te pourrois tu rendre

9
nécessaire à bien faire ou à
bien dire : mais d'estre doux
soldat & rude orateur au
reste donnant des coups de
traistres, & des propos de
seditieux, ie croiray que tes
parens priant Dieu pour ta
prosperité pensent maudire
pour bannir vne telle peste
du monde? Si bien qu'on
peut dire de toy, voylà les
aduis d'un homme qui con-
trefait le Capitaine, & ne
sçauroit faire le Soldat? Toi
qui demãde tant la guerre,
si le Roy faisoit un Edict
cōme Phociō fit aux Athe-
niens, que toutes personnes

vieilles & ieunes le suiuet,
 tu serois le premier qui vou-
 drois représenter ta vaca-
 tion & ton aage : ou com-
 me Ulysse tu contreferois le
 fol pour n'estre de la partie,
 (ie ne sçay toutesfois si tu
 regretterois une Penelopé.)

Messieurs ie vous supplie
 de pardonuer à mon ambi-
 tion, si parmy tant d'esprits
 que la France allaitte, i'ose
 estaler à la venë de tous ce-
 ste responce : mon zele &
 non ma vanité me fait fai-
 re ceste faute, qui pour son
 excuse porte le bien public
 au front, que tant de braues
 guerriers sollicitiez de leur

inclination ne reprouuent
mon affection, que despoil-
lez des passions de leur cou-
rage, ils iugent avec moy.
qu'il est expedient qu'apres
les tenebres la lumiere pa-
roisse.

1
The first of the month
of the year of the
of the month of the
of the month of the
of the month of the
of the month of the
of the month of the
of the month of the



LE
PACIFIQUE,

OV
L'ANTISOLDAT

FRANÇOIS.

Al'unique VRANIE.



ADAME, le rebur
que ie vous vis fai-
re des inuectiues
du *Soldat François*,
me fait entrepre-
dre la respōce, non pour vanité
q' i'ay de si bien dire, q' de dire le
bien du public: Et si les plus cha-
ritables regardent cest ouurage
de pitié, i'estimeray tenir ceste
faueur des charmes de vostre
bel esprit, qui peut attirer tous

les autres à son iugement, ou du moins que ie suis deuenu capable par la contagion de ceste qualité dont vous auez honoré vostre MERCURE.

Mais aussi qui prendroit goust à des choses digerées au desaduantage de l'humanité, que des Sigognes qui ne se nourrissent que du venin? ou des Mitridates qui en leurs infortunes prennent des poisons pour alimēt? Vous ressemblez bien à l'abeille, en ce que tous ceux qui s'approchent de vous ressentēt vostre poincture: Mais aussi ne pouuez vous pas, comme elles, de telles amertumes composer le miel de vostre eloquence.

Vous auez les yeux trop bons pour admettre ces Harpies à vostre table, qui ne vous sçauoiēt repaistre que d'infection.

Vous me permettrez donc, que corrigeant les animositez, ie le rende autant odieux aux gens de bien, qu'il est caressé de

ceux qui cōme luy veulēt s'enrichir des despouilles d'autrui. Je vous ferai voir que mal à propos il nous incite à prendre les armes d'enuie, que la pieté & la charité nous a fait despouiller: Qu'il veut hazarder indiscrettement la personne du Roy à des guerres dōt les succez sont en la main de Dieu, & non pas en la passion: & nous faire renaitre ces frayeurs, dont son courage nous a si long tēps detenus en trance. Et me veux bien estendre iusques à le prouuer, *Ennemy de l'autorité, de la Justice, du repos & de la reputation de sa Majesté, Perturbateur du bien public, Amateur du sang de ses patriots.* Et par consequent, *Ny soldat, ny François.* En quoy ie ne suis pas resolu de suiure l'ordre de ses chapitres, mais bien estre autant confus en la suite de ma replique, qu'il est confus au fil de son discours.

Les Dieux voulant donner la

Tefmoignage protection d'Athenes à quel-
que la Paix qu'un de leur bande, resolurent
est un dō de de l'adiuger à celuy des conten-
Dieu, & la dans qui mettroit sur le tapis ce
guerre un in- qui seroit plus necessaire au bié
vention de l'homme : Neptune comme
d'hommes. Dieu d'inconstance & de ha-
 zard offrit vn cheual armé, pour
 signifier (comme i'estime) c'este
 guerre, où tu nous veux ietter,
 avec plus de fougue que de pre-
 uoyance, plus d'enuie que de
 prudence, & plus de legereté
 que de certitude. Minerue au
 contraire Déesse resoluë en ses
 desseins, & iugeant iudiciense-
 ment ce qui estoit vtil à la socie-
 té humaine, presenta vne oliue,
 en tefmoin que les plus doux
 fruits ne sepeuuent moissonner
 seurement, qu'en vne saison e-
 xempte de trouble & de seditiō.
 Ces choses offertes au Consi-
 stoire des Dieux, & debatues
 par l'une & l'autre brigue, & e-
 quitablement balancée par Iu-
 piter, (comme les differens &

procedures des parties Françoises, sont décidées à la Cour souveraine des Parlemens, sans autre faueur que la Iustice) furent adiugées au profit de Minerue, plus digne de triompher par le bon-heur de la Paix, que Neptune par les fureurs de ses armes. Donc soldat emprunté, inuention d'inconstance, artifice de rebellion, qui comme vn bateleur de pañez, serois bien aise de voir le feu en la maison de ton voyfin, pour sous pretexte de charité, faire ton profit de sa ruyne. Pourquoi nous veux tu solliciter de ioüer vne partie, plus pour contenter ta passion, que pour agrandir nostre heritage?

Crions LA PAIX, pour prouerbe de nostre felicité, comme les Romains crioient, *Talassè* pour ceremonie de leur alliance la Paix donc, la Paix, & ne croyons pas à c'est esprit seditieux, puis que *Bien-heureux sont* çois,

*Preuue de
l'impicté de
l'autheur du
Soldat François.*

*23. Article
de la paix
de Veruins.
Et sont reser-
uez audit
seur Roy
Tres-Chre-
stien, de Fran-
ce & de Na-
uarre, ses suc-
cesseurs &
ayans cause,
tous les droits
actions, &
pretentions
qu'il entend
luy apparte-
nir, à cause
de sesdicts
Royumes,
pays & sei-
gneuries, ou
autrement,
ailleurs, pour
quelque cause
que ce soit.

les pieds de ceux qui vont annonçant
la Paix. Nous n'auons qu'à pei-
ne despouillé la cuirasse, que tu
nous veux mettre l'espee au
poing pour courir sus à ceux
que nostre pitié a iugez dignes
de nostre paix ? Tu veux ouyr
continuer les plaintes des veuf-
ues, que le Roy vient d'appai-
fer : & reuestir le deuil à tou-
te la France qu'elle vient main-
tenant de quitter. Les larmes
des orphelins qu'à peine sont
essuyees ne scauroient elles es-
mouuoir la dureté de ton cou-
rage ? Quoy donc veux tu rom-
pre ceste heureuse Paix que le
Roy a donnée à ses subiets, &
qu'il vient d'acheter si chere-
ment au prix de son sang ? Tu
veux violer les sermens de cest
* accord general, & denouer ce
nœud d'amitié que Mrs. le Châ-
celier, & le President de Sillery
ont noué avec rât de peine pour
le bien & nécessité du public ?
Tu veux contraindre l'inclina-

riõ de sa Majesté à destruire l'e-
 difice qu'elle vient de construi-
 re, & comme Romule arrouser
 les fondemens de son regne du
 sang de son frere? Cruauté non
 encoré dite que de toy, & qui
 ne fera (si Dieu plaist) exercée
 que ta pleume, qui aura aussi
 peu d'effect pour le persuader,
 que ton espee pour y servir le
 Roy & sa patrie. Tu fais cõme
 ces fayneants qui sont aux gale-
 ries des ieux de paulmes, qui in-
 citent les ioueurs de faire vne
 partie pour leur dõner du plai-
 sir, & non pour contribuer aux
 fraix. Tu nous veux faire en-
 treprendre vne guerre pour as-
 souvir ta rage, & non pour no-
 stre vtilité: & rompre ces arti-
 cles qui ne se doiuent décider
 que par la conference de per-
 sonnes authorisees, & non par
 les mains de la sedition. A quels
 propos veux-tu donc, comme
 vne malicieuse Iunon, innouer
 des trauaux au Roy, & ne don-

*ausquels n'au-
 roit esté par
 luy ou par ses
 predecesseurs
 expressement
 renoncé, pour
 en faire pour-
 suite par voie
 amiable ou
 de iustice, &
 non par les
 armes.*

ner autre treuë à sa fatigue qu'une
 ne peine continuelle: & d'un
 Cæsar triomphant de toutes les
 Gaules, le rendre vn Cæsar v-
 surpateur des biens & de la li-
 berté d'autrui? Est-ce pour la
 haine particuliere que tu por-
 tes à ceux que le Roy a iugez di-
 gnes de son amitié? Qu'elle in-
 solence de faire ton maistre e-
 xecuteur de tes passions. Expo-
 ser volontairement ton Prince
 au peril pour te faire rire du dô-
 mage de tes ennemis: & le met-
 tre en sentinelle pour les sur-
 prendre cependant que tu dor-
 miras sur la plume? De dispen-
 ser le Roy de comparoistre en
 personne en des lieux où le pe-
 ril autorise la gloire, ce ne sont
 pas parties qui se iouent sans
 luy, ny où il vueille seruir de
 quart? Sa valeur le pousse tous-
 jours le premier au combat, &
 le retient le dernier à la retrai-
 cte: il y commande en chef ex-
 perimenté, & y combat en sol-

dat resolu.

Quoy donc, veux tu separer
des bras de la Royne, celuy que
Dieu y viét tant heureusement
arrester? & renuoyer sous les en-
seignes de Mars celuy qui nous
doit des fruiçts de son amour?
Les Empires souuerains sont redou-
tez par la multitude des enfans du
Prince: Veux tu imprimer au
cœur de ceste vertueuse Prin-
cesse des soupçons & des crain-
tes de perdre par tes aduis per-
nicieux ce Prince que son meri-
te & sa beauté luy sceut acque-
rir. Il n'est pas tousiours expe-
dient de croire aux conseils de
ceux qui se passionnēt: car d'au-
tant que les conseils prompts &
audacieux plaisent du premier
abord, d'autant sont ils plus di-
ficiles à executer, & de succez
plus mal'heureux: Et le plus sou-
uent ceux qui sont tant aduan-
tageux en parolle, sont les plus
tardifs à l'execution: & pour a-
voir de l'assurance à conseiller

*Il est dan-
gereux aux
sages Princes
de suyure les
conseils per-
nicieux.*

la guerre, ils n'ont pas tousiours le courage de se trouuer aux rencontres. Au contraire ceux qui sollicitent du biē commun sont plus retenus à la cōseiller, sont quelques fois les plus hardis de l'entreprendre, & les plus heureux de la continuer. Aussi n'est on pas moins homme de bien d'estre tardif à se resoudre, que prompt d'executer. Je croy avec Saluste *que cela est le plus honorable qui est le plus assésuré.* Pourquoy veux-tu dōc ainsi opiniastrer vn cōbat ou toute la France a interest, tāt pour la conseruation du Roy, la conseruation de la Royne, que pour l'entiere vtilité des François ? Pourquoy ne veux-tu pas qu'il iouisse de sa victoire, & qu'il entretienne la foy iurée, puis qu'il vaut mieux perdre son bien que sa foy, & que s'il a esté tardif à la donner il soit prompt à l'enfraindre.

Le Prince ne doit rien croire

de ce qui peut apporter de l'ō-
brage à sa reputation , & doit
prendre garde à tout ce qui la
peut authoriser. Tu veux qu'il
croye legerement à tes persua-
siōs, comme s'il n'auoit pas ap-
pris par la conuersation ciuile,
que la nature d'un chacun est
enueloppee de feintise, & que
personne ne s'estime sage s'il ne
sçait dissimuler: Que si le visa-
ge & le front sont mensongers,
que la parolte est encores plus
dissimulée. Il n'y a rien plus ne-
cessaire à vn grand Prince , que
la desiance: ce qui ne se peut biē
praticquer en la guerre, où seul
on ne peut supporter le fardeau
où en effect il faut se fier à peu,
& à tous en apparence: C'est sur
ce doubte que ie fais halte, afin
que digerant malceste opinion,
on ne refonde la tyrannie des
Princes messians , avec vne le-
gitime Royauté d'un Roy si de-
bonnaire.

Distinctiō

La tyrannie est vne violence *de la tyran-*

nie & de la armée contre les loix & les cou-
Royauté. stumes : & la Royauté vne or-

donnance salutaire au biende la
Couronne. Celle-là est vne v-
surpatio: celle cy vne possession.
N'est-ce pas bien violéce au Ti-
ran, quand avec la hayne com-
mune de tous, la necessité de ses
affaires, & la seureté de sa per-
sonne luy fait vser de main-mi-
ses, & se seruir de la force com-
me de la plus vrgēte protection
de son Estat: Qu'il ne prend
pour lieu de franchise, que l'ho-
stilité & l'austerité. Et au cōtrai-
re n'est ce pas vne legitime Roy-
auté, de conseruer les priuileges
de ses subiects, & de se donner
aux necessités de son peuple, qui
ne prend les armes que pour la
manutention de la paix. Ce n'est
pas au Roy que tu dois presen-
ter tes venins, il neyeut point se
défaire d'un peuple qui honore
ses vertus, ny oppresser les loix
que ses armes ont restablies. Va
chercher quelque Tarquin, qui
croye

croye que le droict est aux armes, ou quelque autre Tyran à qui le son des armes ait empêché d'entendre les loix: qui à faux tiltre appelle Empire toute sorte de gehennes, d'affasins, & de rauissemens: qui pense par vne grande cruauté effacer de grandes haines, & qui ne prène la desertion de son estat pour vne paix.

Ce seroit avec ceux-là (pernicieux delateur) que sous couleur des loix tu renuerserois les loix, & qu'attiré par des recompenses, tu mespriserois les peines & les chastiemens que meritent toutes sortes de personnes qui sacrifient leur inuention à la ruine de l'estat: Ce seroit avec eux que tes requestes plus impies seroiēt estimées saintes: & nō pas icy, où l'on aime mieux laisser vn hōme de biē sans gloire, qu'un meschāt sās punition.

L'autorité du Roy chastie les vicieux, ceux qui ministrent

Les méchants ne doivent troubler la Justice.

Les méchants demandent la guerre, pour faire leur profit, & non pas pour combattre.

Le chastiment des méchants

*authorise les
loix des iustes.*

des forests portent leur Religio
à leur pistolet, & dont le pre-
mier mot de leur creâce est, *Rē-
dez la bourse:* Ce sont de ces gens
là, tes complices, dont tu veux
fortifier la main du Roy: comme
si les meschans trouuoient lieu
de fráchise en vn Prince équita-
ble, comme luy: Voylà vne bel-

*Les Princes
doivent faire
eslection de
gens qui par
leur assurem-
ce fortifient
leur authori-
té.*

le auant-garde, vn gros d'armee
bien resolu, & vne arriere garde
bien assurée, d'estre composée
de fayneants qui cherchēt plu-
stost le butin que le combat, de
desesperez qui opiniastreront
plustost la bourse d'vn Marchād
que la deffence d'vn Estat, & de
gens incogneus qui combatrōt
plustost des esprons que des
mains? Comme si le Roy n'a-
uoit pas des amis, des alliez, des
vassaux, & des sujets pour luy
faciliter toutes sortes de cōque-
stes, s'il en auoit le desir aussi biē
que le pouuoir. Et puis sa pre-
sence & son courage qui doit
estre pris pour toute yne armée.

Comme s'il estoit despourueu
de compagnies d'ordonnances
de gens, de Capiraines, d'autres
soldats à ses gages: & comme si
frappant du pied il ne faisoit pas *Les gens de
bien defendez
volontiers une
cause iuste.*
naistre vn million de guerriers,
qui franchement iroient porter
les armes en tous dangers, &
qui s'estimeroient heureux de
receuoir les commandements
d'un Prince si redoutable au
combat, & si moderé en ses vi- *Il n'est point
de meilleure
assistance que
de ses proches
pour auoir in-
terest à la
cause.*
ctoires.

N'a-il pas des Princes de son
Sang, qui rare tige de Bourbon
le pourront aussi bien asseoir au
throsne du grand Turc, qu'ils
l'ont couronné du premier dia-
dème, & du plus splendide des
Empires?

N'a-il pas d'autres Princes: Vn *Les genereux
ne refasent
iamais de sui-
ure les vertus
de leurs
ayeulx.*
Nemours qu'est capable de se
faire admirer par ses exploicts,
& par tant de belles parties qui
le rendent recommandable: Vn
Guyfard qui fera arborer ses en-
seignes à la terre Saincte, qui

aidera à la soufmettre à son Empire, & y faire auffi tost recognoistre la fleur de Lys, qu'en la Prouence, ou il vient, il vit, & veinquit tout ce qui s'opposa à son courage. Vn du Mayenne, qui accompegné de son gendre & de ses fils, luy amenera en triomphe, cōme vn victorieux Pompée, tous les Mitridates & les Tigranes qui se retireront de son amitié, & comme vn autre Scipion chassera tous les Hannibals qui presomptueusemēt anticiperont sur ses Prouinces?

N'a-il pas vn Connestable, des Marefchaux, vn Admiral, qui attacheront fidèlement leur fortune à sa grandeur?

N'a il pas vn Chancelier, qui luy conseillera tousiours vne chose iuste, & qui dispensé de son aige & de la vocation de porter vne espée aux expeditiōs portera sa ceruelle à l'vtilité de ses affaires?

N'a-il pas vn Conseil Priué &

les Cheualiers de ses ordres ne
contribuëront-il pas leur cou-
rage à l'acquisition des plus di-
gnes Empires, & leur prudence
à luy conseruer son bien & sa
Couronne?

N'a-il pas vn Rosny, Grand
Maistre de son artillerie, qui par
son commandement à remply
ses Arsenacs de canons & de
munitions, qui seront les exe-
cuteurs de ses foudres?

N'a-il pas des finâces, qui cō- *Ce que la*
me le nerf de la guerre seront *guerre consō-*
tousiours l'appuy & les fidelles *me, la paix*
compagnes de ses entreprises. *le fait fin-*
etifier.
Finances, Arsenas, & Munitions
qui peries par l'insolēce de nos
guerres ciuiles, sont restablies
par les Benefices de nostre tran-
quilité: & tant s'en faut qu'elle
engendre l'oisiueré; pour ainsi
qu'vn Hannibal laisser corrom-
pre nostre gendarmerie & des
delices de la campagne; qu'elle
leur donne plus de loisir de re-
prendre courage, & de se forti-

fier par les priuileges de la Paix.

N'a-il pas ceste Noblesse Françoise, qui exercée à toute sorte de milice ne demande autre recompence que la reputation & le tiltre d'honneur qu'elle scait acquerir, qui luy sert d'esmail & de lustre en temps de paix: & de seureté en temps de guerre: qui vrais nourissons de Mars sert d'Academie aux Estrangers, & pour la bonne mine, & pour le bon ieu, & qui n'ignore que ce qu'elle veut ignorer: qui sous les enseignes d'amour se faict autant desirer des plus belles, que sous les drapeaux de Mars elle se faict redouter des plus braues?

*La grandeur
d'un Roy est
auoir des per-
sonnes de Iu-
stice qui aser-
missent son
Estat.*

N'a-il pas vne Cour de Parlement, où tant de gens de bien sont consacrez pour esclairer sa fortune, & preuoir qu'il ne tombe que debout? Du Harlay chef du Senat qui tesmoigne tous les iours son equité incorruptible, qui ne permist iamais que le

droict eust la moindre fieure en
 sa presence : Vn la Guesle qui *Et qui ne lais-*
 faiet preuue de sa prudence, *sa sent riē passer*
 preuoyance, & sa fidelité, *en au desaduan-*
 donnant ses conclusions au pro *tage de leur*
 fit detout l'estat, en veillant que *Prince.*
 rien ne se passe contre son au-
 thorité, & en chastiant ceux qui
 attenteroient à sa personne, ou
 qui dresseroient quelque em-
 busche à l'vtilité publique. Vn
 Seruin & vn Marion qui font
 tonner & estonner le monde de
 leur eloquence, distribuée esga-
 lement à l'aduancement de ses
 desseins & à la conseruation de
 sa grandeur?

Pourquoy, chetif Soldat, *Les braves*
 mesles-tu de controoler ses ba- *veulent ha-*
 stimens, les pourtraicts de sa *zarder leurs*
 grandeur pour luy dresser vn e- *personnes*
 quipage de Tiran, & laisser en *pour agrādir*
 arriere celuy de Roy: Souuiē- *leur renommée.*
 ne toy que tu as affaire à vn Fa-
 brice, qui aime mieux tenter le
 hazard d'vne bataille incertaine
 que d'acheter vne victoite il-

legitime. C'est vn Alexandre, qui espouferoit bien ce party, s'il estoit soldat, & nō pas Roy. C'est vn Camille, qui nonobstāt l'ingratitude de son peuple, ne laisse pas de se peiner pour sa deliurance. C'est Auguste, qui escoute toutes les plaintes, & non pas toutes les flateries. Ce n'est pas vn Neron à qui les gēs de bien soient plus suspects que les meschans, & à qui la vertu estrangere soit redoutable. C'est vn Trajan sollicité de sa conscience & de son bon naturel d'entretenir la tranquillité de son peuple.

*Entre les mé-
chans la ver-
tu est le plus
grand enne-
my des perso-
nes de quali-
té.*

Va donc fusil de sedition cor-
rōpre le regne de quelque Ty-
bere, où les vertueux sont en
mauuais predicamens, & où lon
iuge plus sinistrement de ceux
qui par leurs merites ne sont ti-
rez de la lie du peuple, & où il
est aussi dangereux d'estre trop
que mal renommé. C'est la où
tu presideras, puis qu'on en exil

le ceux qui font profession de
 sagesse: & où tu ne feras iamais
 crime criminel pour auoir re-
 fusé des biens, que tu abayes aus-
 si imprudemment que le chien
 d'Esope apres l'ôbre de la chair
 qu'il porte en sa gueule, puis
 que la seule vertu est cause de
 telle disgrâce: car puisque toute
 bonne instruction en est bon-
 ne, tes conseils scelerats & mes- *Où la conoissance regne,*
 chans y seront admis, aussi bien *l'honnesteté*
 rien d'honneste, ne se rencon- *n'a point de*
 tre à leurs yeux. Car les vicieux *liens.*
 ne reiettent pas les sciences en-
 nemies des vices, plus pour ran-
 cune que pour reuerence, mais
 exerçant leur tyrannie sur les
 œuvres des plus Sages pour
 crainte d'une infamie aduenir, *Pour chasser*
 chassent les escriuains & bruslēt *les Sages &*
 les escrits, n'estaignent pas la *brusler les*
 voix du vulgaire par ceste flam- *bons escrits,*
 me, ny la conscience du genre *les meschans*
 humain, ny la memoire de la *ne s'effacent*
 posterité. De là vient qu'ils sō- *point de la*
 bragent de tous & de tout *creance &*
de l'inimitié
du peuple.

*Le Tyran pense que tout le monde est en-
sentif à sa
ruyne.*

*Les Tirans ne
viuent que
pen.*

qu'ils empeschēt les familiares
conuersations & les entretiens
particuliers. Les paroles ne
sont pas seulement suspectes, ils
prennent garde à la main d'un
chacun, & se font accroire que
on leur dresse tousiours quel-
que embusche, & que le glaive
est tiré pour estaindre leur crain-
te & leur vie. Miserables ames!
qui pour la garde de vostre
corps tenez à vos costez la fu-
reur & le venin: en fin leurs
cruautez leur sont autāt de su-
plices, & s'en trouue peu qui ne
soient assassinez. Où les Roys
iouyssent paisiblement du long
regne, laissent leurs sceptres à
leurs enfans, où à leurs proche.
Aussi n'est ce pas de telle messia-
que ie veux enueloper l'esprit
du Roy, qui Prince legitime &
vertueux estaye la Couronne
des piloris de sa Clemence.

Mais ie diray bien que les
Poëtes, & les Historiens deffen-
dent aux grands de croire à

la volée, & de se fier à tout ce qu'on leur propose : car bien qu'ils se voyent environnez & suyuis de beaucoup de personnes, ce n'est pas à dire que la fidelité se trouue parmy ceste tourbe : ce seront parauanture des sangsuës qui se voudront gorger de son sang, & qui se retireraiët si elle estoient saoules. Je diray donc avec Aristote qu'ez Cours des Roys il n'y a point d'amis: & que l'amitié des Courtisans est plus vaine que veritable. Tu me diras, que son merite le fait aymer, & sa grandeur le fait craindre: Voila donc *La paix donne le loisir aux subiects de considerer les vertus de leur Prince.* pourquoy la Paix luy est plus necessaire que la guerre, afin de donner plus de loisir à son peuple de considerer ses vertus, & de respecter sa Majesté. D'y venir par la force, ce n'est pas son naturel d'vser de rigueur à ses subiects, puis qu'il vſe doucement des victoires que son courage luy donne sur ses ennemis

D'ailleurs il ſçait biẽ que la cõ-
 traincte rabat de l'affection, &
 que comme vne porte trop a-
 ſtreinte en ſes gonds ne s'ouure
 & ne ſe ferme qu'à peine, que
 ainſi vn peuple trop mal traitté
 murmure & cherche ſouuent
 les occasions de ſe reuolter. Ce
 n'eſt pas que ie vueille mettre
 en compromis la valeur ny la fi-
 delité des François, qui expoſe-
 ront touſiours leur vie & leurs
 biens au ſeruice du Roy & à l'a-
 uantage de ſa Couronne: ny que
 ie vueille dire qu'il ſe diſpen-
 ſent d'une occasion que leur
 courage leur face deſirer. La
 Nobleſſe eſt trop bien née pour
 violer les paches de ſon hom-
 mage, elle luy eſt tant affection-
 née qu'elle ſe iettera touſiours
 au milieu des armes de ceux qui
 attenteront à l'eſtat: & le peu-
 ple à trop d'obligation à la Cle-
 mence de ſa Maieſté, pour la
 laiſſer ſeule veiller à ſon ſalut, &
 pour ne mettre la main où elle

hazarderoit sa personne, assez de bonne volonté pour se porter en quelque peril, que les attirer la conseruation de ceux qui leur commandent, sçachât bien que c'est le Bias qui porte avec luy leur bien & leur fortune.

Mais si quelqu'un de ces Paladins veut escrire sa reputation de son sang, que comme ce genereux Prince de Neuers, il face rougir les murailles des

Le Duc de Neuers blessé à l'assaut de Bude.

infidelles, sans contribuer sa valeur à la ruyne de ceux de sa Religion. L'Hongrie est vn si beau champ, où tout le monde peut laisser des marques de sa gloire, sans nous attacher à des peuples, dont la deffaicte ne peut estre qu'à l'aduancement des mescreans, & dont les victoires parauanture nous feroient si cherement vendues, que nous serions contraincts de dire *Qu'il ne faudroit gueres de telles victoires pour ruyner la Chrestienté.* Et craindrois qu'à la fin

On perd souvent un homme qui peut faire gagner dix victoires.

il ne fissent comme les enfans de l'escole qui se glorifiēt quelques-fois quand ils ont battu leur Maistre: à lors nous reprocheroit-on iustement, *Que nous receurions le salaire meritē de leur auoir par force enseignē le mestier de la guerre.* Tu voudrois bien cōme ceste ialouse Medée mettre le feu à ceste Couronne, mais tu ne serois pas si charitable que ce Creon que tu allegues, de vouloir mourir pour tātcher de l'esteindre. Tu suyurois parauanture le Roy à ceste entreprinse, comme les trompettes suyuent leurs chefs à la charge, qui à la victoire font actes de Caualliers & à la desroute monstrent les priuileges de leurs conditions.

On doit tous-
jours punir le
premier au-
teur de sedi-
tion.

Si c'est que le Ciel soit courroucé contre nous, ie suis d'aduīs que pour l'appaiser, on te sacrifie à sa colere, pour la faute du general. Il est vray que tu as bien l'audace de l'irriter, en voulant rendre Payen vn Roy Tres-

Chrestien: Mais tu ne serois pas si charitable à sa patrie, de vouloir comme Curse, asseurer par ta mort les affaires de ton Prince. Misérable Cayn ! qui machines la mort de ton frere, pource qu'il est plus fauorisé de Dieu, & que ses victimes sont mieux receuës que les tiennes. Son, -ce là les commandemens que tu veux suiure, est-ce de la sorte que tu veux aimer ton prochain en procurant sa perte? Que respondras-tu à Dieu quand il te demandera que tu as fait de ton frere? oseras-tu respondre impudemment comme Cayn, *Qu'il ne te la pas donné en garde.* Chacun de nous est tenu de respondre de l'ame de son prochain. Dieu donna à Moysse deux Tables faites & escrites de sa main, qui furent rompües pour le despit qu'il eut de l'idolatrie du peuple d'Israël: apres Moysse luy en presenta deux autres où il escriuit ceste loy qui

doit estre perpetuelle. Nous
 auons ces deux Tables: l'une où
 sont escrits les trois premiers
 Commandemens, contre l'ame
 capable de la cognoissance. Et
 le corps où sont representez les
 sept autres: comme subiect aux
 fastes & caprices du monde. Tu
 veux biffer les premiers, pour
 ne regler tes passions selon que
 l'ame te les peut dicter, & pour
 sans autre contraincte idolatrer
 les appetits de ta vengeance: Et
 les derniers encor pour n'estre
 empeschez de suyure les vani-
 tez, ny contrainct d'exercer ta
 tyrannie sur les prosperitez de
 ton prochain.

Dieu auoit de luy mesme fait
 l'ame & le corps du premier hō-
 me, tables d'innocence, qui fu-
 rent rompues par sa rebellion:
 Il vient prendre nostre nature
 pour y escrire ceste loy de grace
 par sa naissance. Veux-tu donc
 sollicité d'un mauuais Ange,
 procurer la deffaire de ton pro-

chain, que Dieu mesmes crea à sa semblance, & faire rompre ce beau portrait qu'il a retiré par le prix de sa passion de la captiuité de ses aduersaires?

Si l'on punit en la iustice du monde ceux qui recellent les faux monnoyeurs qui contrefont seulement l'image de leur Prince. Quelle punition dois-tu attendre de la iustice spirituelle de receller en ton ame les haines & les enuies qui veulent desfaire l'image du grand Roy des armées?

Si jadis on chastioit à Rome la Vestale qui par negligence laissoit esteindre le feu qu'on reseruoit comme le bon heur de la patrie: quel chastiment deuroit on faire de toy, qui par malice veux esteindre ce beau feu de la Paix, la prosperité de France, & la ioye des François?

Ce sont les pernicieuses maximes de Iacques Caire Gantois, qui de petit compaignon *Froissard en son Histoire.*

se voyant esleué en dignité, entretenoit la sedition des Flamés pour maintenir sa grandeur: Tu veux ainsi semer vne diuision parmi nous pour mieux desguiser ta condition? Mais ie pense que les armes te rendront aussi peu necessaire que la robe.

Les Romains erigerēt des trophées, à l'honneur de Veturie, pour auoir reconcilié son fils Coriolan avec la Republique. Nume Pompile fut estimé pour auoir maintenu la trāquilité de ses sujets. Transibule applaudy du peuple, pour auoir pacifié deux grands Princes ennemis, Pourquoy veux-tu raur ces hō-neurs, ces respects, & ces gratifications au Roy, & luy desrober par vne seditieuse passion les tiltres que sa Clemence luy faict acquerir?

Tu le conseilles en aueugle comme ton Appius, de le vouloir contraindre de contribuer les succez de sa valeur à l'iniu-

stice de ta requeste. Puis que
c'est plustost vne animosité
qu'un bien public qui te luy
faict suggerer ces inuentions:
Puis que c'est la passion & non la
grandeur qui le veult exposer à
la tourmente: Qui ne dira que
sans raison tu nous veult attirer
en un duel dont la pitié & la
puissance viennent de nous re-
tirer? Tu fais vne folle deman-
de à ce regard Iupiter, grenouil-
le que tu es? il t'a donné vne
paix tranquille, & le trop d'ai-
se te faict demander vne cigon-
ne armée de bec pour deuorer
tes semblables?

Encores puis que tu ne veult
entendre à la Paix, si tu te met-
tois sur le pied droit pour don-
ner vne salutaire instruction,
sans ainsi gauchir à des calom-
nies, & diminuer la victoire que
le Roy pourroit acquerir sur
ceux que tu estimes lui estre en-
nemis. Sainct Chrysostome dit
fort à propos, Que la Calomnie

*La calomnie
rabat plustost
le triomphe du
vainqueur
qu'elle n'aug-
mente la hon-
te du vaincu.*

*Belle compa-
raison tirée de
S. Chrysosto-*

*me pour res-
ter la medi-
sance.*

est semblable à vne reuenderef-
se qui frequente à toutes les
meilleures maisons, d'une Cité,
qui s'enquiert de toutes les nip-
pes & batailles qui peuvent en-
tretenir sa chalandise: si quel-
qu'un luy parle de pierres pre-
cieuses, elle luy promet de satis-
faire à sa curiosité: à un autre des
vaisselles d'or ou d'argent: à des
autres des estoifes de moindre
prix: bref à chacun selon sa por-
tée. Ainsi la Calomnie est tou-
iours aux escoutes pour enten-
dre la reputation de chacun, à
fin de la distribuer à ses supposts
& rendre contés tous ceux qui
s'informeront des conditions &
merites des personnes. Si l'on
veut parler d'un Prince quelle
n'ayme pas, aussi tost elle ouure
le paquet, & en dit plus qu'on
ne luy en demande, & plus on
a de merite, & plus elle trouue
de moyen d'estaler sa marchan-
dise. Toy, comme regrateur de
renommée, change les ancien-

nes couleurs de la vertu d'au-
 truy, en des impostures nouuel-
 les, & escoutant se qui se dit des
 plus renommez; tu profanes ir-
 religieusement les partages du
 ciel, & mets à l'eneau la reputa-
 tion des plus dignes. Je te di-
 rois volontiers ce que Cymon
 disoit aux Atheniens, pour cha-
 stier ton indiscretion. Les gens
 de bien n'ont garde de parler
 ainsi. A iuste tiltre Miltiades de-
 mandoit aux Atheniens de por-
 ter sur la teste vn chapeau d'O-
 liue, pource que s'il n'auoit seul
 vaincu, au moins estoit-il seul
 qui auoit procuré la paix de la
 Grece. Et t'oserois quasi esgaler
 à Socrates, de nous vouloir cō-
 traindre à chercher la palme,
 cependant que nous possedons
 l'oliue. Tu veux que le Roy por-
 te ses armes contre sa foy, &
 qu'il face la guerre à celuy qu'il
 a rendu son amy. Tu ayines
 mieux comme le barbare Rosa-
 tes acheter les amitez que les

*Effet de l'am-
 bition des mé-
 chans, qui ai-
 ment mieux
 vne guerre
 domageable
 qu'une paix
 salutaire.*

*Les Barbares
 n'ont iamais
 pratiqué que*

*des alliances
corrompues.*

*Tyrannie
toute approu-
uée de vou-
loir remuer
quelque cho-
se en un estat
bien ordonné.*

rechercher, & posséder par pre-
sent que par courtoisie. Aussi as-
tu plus estalé de perfidie que tu
ne donnes de moiens de les pal-
lier. S'ils continuent leur amitié
& que des esprits irraisonna-
bles comme toy, ne les sollici-
tent de l'enfraindre, ils pour-
ront reciproquement iouyr des
fruits d'une telle Vnion, & vser
l'une & l'autre des choses plus
particulierement reseruée à
leur fortune. Je desire que pour
l'autorité du Roy & pour le
bien de la Chretienté leur foy
demeure inuiolée, & que coulât
rousiours d'une mesme teneur,
elle ne perde rien de son inte-
grité: Car si tu veulx y apporter
quelque changement tu enten-
dras Alcibiades, Qui estime que
ceux-là font mieux qui admini-
strent l'Estat selon les loix & les
Coustumes, que de ne vouloir
s'accommoder au temps, & sui-
ure plustost sa passion que la Ju-
stice. Auguste mesme defend

de ne rien changer des coustumes, encores qu'on en voulut introduire des meilleures, parce que les vieilles ordonnances ont tousiours plus d'energie, & mesmes qu'elles soient pires, elles sont plus vtilles que celles qui sont introduites par innovations: Car de mesme que l'arbre trop souuent transplanté ne profite point, le Prince qui change de resolution est mesprisé, en temps principalemēt qu'il commande ce qu'il auoit deffendu, ou deffend ce qu'il auoit commandé.

N'as tu pas de crainte d'estre chassé comme auteur de nouveautez, qui change mesme les choses iustes par malice ou par vanité : Malicieusement pour rendre incognuës les choses iustes, à ceux qui ne les manient que d'emprunt : Vainement, pour esperer de la gloire d'auoir mis quelque chose du tien en vne coustume ancienne qui n'est

*Ceux mesme
qui alterans
les affaires de
l'estat y font
naistre
des choses e-
quitables, s'ont
tenus pour
perturba-
teurs du bien
public.*

*Prudence &
iustice de Lu-
cille d'auoir
refusé aux
Cyreniens de
leur donner
des loix.*

*Impudence &
malice de
l'auteur du
Soldat Fran-
çois de con-
troller les af-
faires de
France.*

enuyée que pour auoir esté ma-
niée par les mains de la perfidie.
Il eust bien esté permis à Lu-
cille de donner des institutions
aux Cyreniens qui l'en sollici-
toient, mais il preueut sagemét
qu'avec difficulté on pourroit
donner vn frein à vn peuple si
opulent: Parce qu'il n'est rien si
mal-aisé à la verité, que de tenir
sous bride vn hōme qui se sent
auoir le vent eu poupe: Au con-
traire, rien si prest à recourir au
conseil, que celuy qui a ressentý
les reuers de la fortune. Mais il
ne t'est pas licite de vouloir ar-
rester le cours de nos felicitez,
& de toy mesmes borner la frā-
chise d'un peuple tant esleué de
prosperité, qui pour estre ca-
pable (à ton dire mesme) de plā-
rer ses volontez où bon lui sem-
blera, ne se voudra laisser con-
duire par tes pernicieuses in-
tentions.

En cecy recognoit-on ta ma-
lice, de ne t'eslouyr simplement
des

des maux d'autrui, mais de les procurer. Et ton ignorance en voulant (sous apparence de nuire aux estrangers) comme mauvais archer descocher tes fleches sur nous mesmes. Le foudre tombant sur quelqu'un fait trembler tous ceux qui sont proches: Ainsi la guerre ne peut estre si bien policée qu'estant nos frôtieres, nous n'en ressentions les iniures. Voilà pourquoy il la faut eslongner de nous pour nous en estonner.

De dire que la Castille n'est pas nostre pays, ô brutal que tu es, les Espagnols ne sont ils pas de mesme tyge que nous? & si quelque pitié te fait plaindre les inquietudes & les trauerses publiques, pourquoy nous semôs tu de leur en procurer? La France n'est pas seulement ton pays, ie me trompe tu n'en as poinct? le monde ne sert de pays qu'à l'homme de bien. Voilà pourquoy ie ne trouue plus estrange

*Les meschans
ne se peuen
dire Citoiens
du monde.*

que tu desires les afflictions publiques, & que tu ne vueilles estimer les larmes des personnes, puis que comme le lappin la crainte te faisoit des ja deuorer tes petits. Je pense que quelque Demon t'auoit promis de t'enrichir durât ceste guerre des richesses d'autrui: que tes biens estans en seureté tu aurois plus de loisir de butiner sur tes vōysins, & cōme celuy qui du bord de la mer regarde vn naufrage, à bien plus de ioye de se voir exépt du peril, que de pitié d'y voir tresbucher autrui. Je te dirois volontiers pour tout le monde avec Euripide,

*N'adioustes plus à mon mal de
douleur,*

*Je suis assez appressé de mal-
heur,*

Entens des-ja ta responce, que tu veux enuoier la guerre à tes voisins, pour auoir la paix chez toy, & que le mal de ton prochain ne te touche pas tant au

cœur que la plainte t'en vienne
à la bouche. Que tu n'es pas
de l'aduis d'Archidamus, pour *Les terres en-*
espargner aussi soigneusement *nemies doiuent*
les terres de tes ennemis que *estre exceptes*
des ostages. Si est-ce toute fois *de pillages.*
que plus elles sont fertiles &
moins de degast on y doit faire
à fin de ne reduire ses ennemis
à tel desespoir qu'ils s'en rèdent
plus malaisez à vaincre, car on
dōne vne bonne impressiō de
foy à vn peuple que l'on veut
conquerir, de conseruer cōme
son bien ce qu'on commande
de perdre per la flāme & mois-
sonner avec les armes. Il fait e-
stre modeste à ces occasions:
car ce n'est pas en vne ame dis-
simulée, que l'heur fait cognoi-
stre les vices qu'elle recelle, mais
encores le plus souuent l'insolence
du chef d'armée vient de
sa bonne fortune, qui ne peut
non plus que le Tātale de Pinda *Il est péril-*
re digerer vne felicité: C'est fau- *leux d'estre*
te d'esprit d'abuser du bon suc- *insolent en sa*
prosperité.

cez & de s'en orgueillir des choses qui nous succedent heureusement à la guerre. Les victoires d'Hanibal & de Pompée furent leurs propres defaictes, & n'eurent iamais plus puissants ennemis que leurs prosperitez. La fortune est comme la vitre, plus elle est claire & plus elle est fragile. Les hommes experimentent tous les iours par la vicissitude que les choses aduerse procedent des plus heureuses, & les infortunées des aduerses. Mais vne grande magnanimité supporte son affliction d'autant plus que l'affaire est incertaine. Aussi les plus courageux s'appuyent de l'esperance contre la fortune, & les plus laches s'aduancent par crainte au desespoir. Nous n'auons que faire de tous ces enseignements en la Paix; nous ne craignons seulement que le Ciel tombe. Tu nous veux obliger à récercher ce

que nostre bon-heur nous fait
mesmpriser. Tacite nous dict
du temps de Domitian, Nous li-
sons que çà esté vn crime capital à
Arulenus Rusticus, & à Herennius
Senecion de ce qu'ils auoient l'oué l'un
Pætus Thrasea, & l'autre Priscus
Heluidius. Et on n'a pas seulement
vsé de cruauté enuers ces auteurs,
mais aussi enuers leurs liures. La
charge aiant esté donnée aux Triu-
mirs, que les memoires de ces tres-
notables esprits fussent bruslez en l'as-
semblee & au marché. Pensant possi-
ble par ce feu abolir la voix du peuple
Romain, la liberté du Senat, & la cō-
science du genre humain. En outre,
aiant chassé les professeurs de la Sa-
pience, & banny tout bon art, à fin
qu'il ne se presentast plus rien d'hon-
neste. Certainement nous auons donc
vn grand enseignement de Patience,
& comme l'ancien aage à veu l'extre-
mité de la liberté, aussi nous auons
veu ce qui estoit dernieren la seruitu-
de, mesme le commun vsage de parler
& d'ouyr nous aiant esté osté par re-

cherches, Aussi no'eussies perdu ceste
memoire avec la voix, s'il estoit au-
tant en nostre puissance d'oublier que
de nous taire.

Les Princes
poussent de
loing ceux
qui les offen-
ent.

Moy au contraire ie tiens que
ce t'est vn crime digne de mort
de calomnier les Princes qui
sont donnez de Dieu au peu-
ple, & esleuz pour en auoir le
gouuernement. Tu calenges le
Roy d'Espagne Prince courtois,
vertueux & vaillant, pour ce
qu'il est Catholique seulement.
Tu blasmes l'Archiduc qui si
courageusement cherche en ses
armes le repos de ses subiects,
Tu diffames le Duc de Sauoye
Prince autant digne de gloire
pour ses merites, que pour a-
uoir prudemment recherché
l'amitié du Roy pour le bien &
vtilité de ses Estats. Tu loues au
contraire le Roy d'Angleterre,
non pour affection que tu por-
te à son merite, pource seule-
ment qu'il est de la Religion
pretanduë reformée. l'aduouë

La passion a-
ueugle aussi
bien à mesdi-
re de ses en-
nemis, qu'à
louer ses amis

qu'il sera tousiours digne de
louanges tant qu'il condamne-
ra les aduis de ta perfidie. Mais
falloit-il tesmoigner vne ani-
mosité pour ceux-là qui sont e-
stablis de Dieu sur leur peuple
& vne affection pour cestui-cy
Tu fais comme les Incubes qui
n'aymans que leurs passions,
prennent de la semence humai-
ne en vn corps pour la porter
en vn autre, pour faire naistre
leur perfidie seullement. Ce
n'est pas que ie sois partisan
de ces Princes, ie suis trop peu
de chose pour les obliger de se
souuenir de moy: C'est que ie
suis tât amateur de la vertu, que
ie la loüerois desia à mes enne-
mis si i'en auois: Et tant enne-
mi des medisances que i'en sol-
liciterois la punitiō à mes amis
me smes. Le chastiment que les
Romains ont executé par tiran-
nie sur ces vertueux personna-
ges doit estre par iustice executé
sur vn scelerat cōme toi: Et cōme

il falut immoler Polixene sur la
 tombe d'Achille, pour appaifer
 le courroux de quelques Dieux,
 ainsi te faudroit-il sacrifier sur
 l'autel de leur gloire, pour ap-
 paifer leur iuste colere. Pense
 tu effacer par tes impostures les
 veritables lustres de leurs ver-
 tus tant recommandables & re-
 commandées des gens de bien?
 raur la parole à tous ceux qui
 comme toy ne sont pas corbe-
 aux pour ne bequeter que de la
 voyrie, ou noircir la conscience
 des plus candides pour les faire
 taire, tandis que malicieusemēt
 tu tromperois ces iniures, &
 que cōme la Pie Romaine ils ne
 proferassent autre chose que ce
 que par le silence ils auroiēt re-
 tenu des bruits de tes inuecti-
 ues? Ou du moins deuroit-on
 bannir du Royaume le profes-
 seur d'une si mauuaise science, à
 fin que riē de vicieux ne se pre-
 sentast deuant nous: & que dō-
 nant ce precepte à sa passion, il

fut licite aux plus dignes d'vser
de la liberté de leur parole, &
par vne legitime seruitude on
defendit à toutes sortes d'assa-
fins de renommée comme roy
le mal'heureux vsage de diffa-
mer les plus merittans, leur fai-
sant par vn iuste supplice per-
dre la memoire de leur calom-
nie, & leur apprendre à moins
dire qu'oublier.

Je ne trouue pas estrange si tu
ne veux bien parler de ceux que
tu ne veux aymer, & de qui tu
peux euitier pour vn temps la
puissance: Quand mesmes tu
taxes de paresse & de noncha-
lance ton propre Roy, de qui les
faits & les vertus sont dignes
d'autāt d'histoires, à qui ta nais-
sance te rend redevable de la fi-
delité, (si vn homme sans Reli-
gion en peut auoir) de qui tu
ne peux euitier le pouuoir que
tu ne perde ta fortune attachee
à son autorité. Tu veux qu'il
laisse imparfaits les ouurages de

son immortalité, pour hazarder
 indiscretement la personne au
 danger, & irriter la Clemence
 sans autre pretexte que ta pas-
 sion, sans autre conduite que
 ta hayne, & sans autre assuran-
 ce que ta vanité. Tellement que
 d'un sage & bien aduisé Prince
 tu en veux faire un temeraire,
 qui comme un Alquemiste ha-
 zarde ce qu'il a de plus certain
 pour attendre une chose dou-
 teuse, & qui pour ne rien auoir
 mette tout à l'adventure. Aueu-
 gle où est ton iugement, devou-
 loir de celui mesme qu'à iuste
 tiltre tu appelles l'epitome des
 pl^s braues Rois, faire un nouice
 aux affaires de son Roiaume? un
 Pilote sans experiēce des tour-
 mentes de la fortune où il n'y a
 moins de prudence à les euitier
 que de resolution à les suppor-
 ter? puis qu'il a tant de fois tri-
 omphé par les armes, & que sa
 gloire a esté si souuent arroulée
 de son sang, pourquoy veux tu

que comme vn craintif victorieux, ils amoindrisse sa victoire en pourſuiuant la ruyne de ceux qui ſe ſont rendus ſes amis? Il n'eſt plus de beſoin de teſmoigner ſes verrus par des inquietudes, ny comme d'un nouueau cheualier tirer les preuues de ſa valeur le iour de ſon ordre, puis que ceux que tu voudrois rendre ſes ennemis, ont recogneu dès ſon enfance comme Astrologues veritables que ſes merites le rendroient dignes de la France? Pourquoy luy veu-tu faire aban donner ce qu'ils luy ont adiugé par leur prediction, & luy faire meſpriſer la moisſon d'un bien, qui luy eſtoit reſerué dès ſa verdure? Puis² que sō œil voit ceſte heureuſe Paix en France qu'il n'auoit iamais veu à ſon profit, pourquoy ne lui veux-tu pas donner loisir de la conſiderer? Cela me fait croire ce qu'autrement ie n'euffe iamais creu de toy, que tu n'as iamais veu le

cōbats ny les retraittes de ceux
 que tu lui veux faire combattre?
 Car si tu eusses esté deuant A-
 miens ou tous les Catholiques
 François assistoient le Roy, l'as-
 seurance des Espagnols te feroit
 venir la sueur au front, & leur
 seule apparence en vne minute
 d'heure t'eust rédu muët, pour
 vn siecle, & croy bien qu'à vn
 lasche cœur comme toy qui ne
 voit les batailles que d'une e-
 stude, elle t'eust faict rallonner
 vne fuitte capable de te faire
 rendre au ventre de ta mere, si
 comme les Lacedemoniens tu
 l'eusses trouuee à la rencontre,
 ou à faute de ce refuge, la fray-
 eur t'eust apporté le cordeau
 que la medifance fit rechercher
 à Licambe. Où tant s'en faut
 que l'alarme de la crainte vient
 à mesme temps frapper l'oreil-
 le & le cœur du Roy ou de pas
 vn des assistans, que le bon ge-
 nie de sa Majesté qui luy faict
 mettre à heureuse fin toutes le-

gitimes entreprises, ou le bien de son estat l'appelle, que son courage fit redoubler la force, à tous ceux qui à ce peril (si c'est peril ce que sa preuoiance à rendu aisé à vaincre) eurent l'honneur de combattre sous ces enseignes: Aussi n'y auoit-il point de soldats en peinture, & de poltrons en effect: ou bien de ceux qui les ayant veus deuant Dourlans, laisserent laschemēt tuer l'Admiral de Villars & plusieurs Gétils hommes Catholiques François: & non de ceux qui se trouuerent à la deffaiçte du Marquis de Varābon, & qui porterent l'effroy de la guerre dās l'Artois: Ny de ceux qui apres la reprise d'Amiens accompagnerēt sa Majesté iusques aux portes d'Arras presenter la bataille à l'Archiduc Albert.

L'histoire des gestes de sa Majesté m'auoit assez appris, qu'il n'y eut iamais d'autre Alexandre, n'y n'autre Cæsar, & que si

quelqu'un en a eu la qualité, il en a eu le merite: Mais du surplus sçauois-je bien qu'un grand Prince, comme luy, n'a iamais mesprisé ses ennemis: qu'Homere à sçeu louer la valeur de Hector pour rédre le nom d'Achille plus illustre & glorieux: Qu'on a rabatu des triomphes de Pompée, pour auoir vaincu des Roys & des Capitaines de si défait par Metelle & Luculle: Et qu'Agésilas a esté blasmé d'auoir fait plus d'estat des despouilles des Perses que de leur force. Puis que sa Majesté est continuée en son trosne par Monsieur le Dauphin, que l'assurance de toute la France en est restablie, pourquoy veux tu empelcher l'alegresse des François, & les vœux qu'ils contribuent à sa naissance? Je leur en réds dire au Roy, Sire, *apres tant de sinistres accidens qui ont troublé vostre repos, vous auez dequoy vous esiouyr & borner vos trauerses de*

ceste naiffance desirée. Philippe roy de Macedoine desiroit vne legere affliction qui payast l'vsure de ses prosperitez: Au cōtraire vo⁹ auiez à rechercher ce bon heur pour recompēse de tant de traueses où vostre ieunesse a esté assubietie; & qui sont capables d'amoindrir vostre ioye. Mais cōme ceux qui se remarient en l'année du dueil de leur premiere femme, vo⁹ deuez porter exterieuremēt la ioye de cestuy-cy, comme si l'un ne pouuoit attrister que vos habits, & l'autre resiouir vostre cœur.

Alexandre apportant du vētre de samere les signes certains de sa grandeur future, le fit esleuer curieusement, à fin que sa nourriture ne demētir les promesses de ses presages: Monseigneur le Dauphin estant fauorise du bonheur de sa naissance, vous deuez auoir le soin en l'esleuant de faire reluire en luy les

vertus empruntées de vostre race, & reseruées à ses predictiōs: Et à limitation des Lions qui ne permettent à leurs petits de combattre des animaux indignes de leurs forces, Vous ne le faciez exercer qu'à des choses dignes de l'Illustre sang de Bourbon, à fin qu'il ne vous responde pas
Que le ieu ne luy sçauroit plaire si ce n'est avec des fils de Roys.

Le Rossignol donne trefue à son harmonie, & veut bien perdre le contentemēt qu'il en reçoit, pour caresser ses petits, & se contenter en sa semblance: Vous deuiez, biē aussi remettre pour vn temps les plaisirs que vous vous dōnez à la chasse pour carresser ce petit Prince, & vous esiouyr en vostre image. Il semble qu'il ny a rien qui nous destourne de nos ordinaires exercices, qu'une chose desirée avec passion, & obtenuë avec bonheur. Les Iuifs abusez en leur creances s'esiouyssent de la gros-

selse de leurs femmes, esperant
 de trouuer leur salut en leurs
 couches. Mais vous instruit de
 longue main aux necessitez de
 vostre sceptre, vous deuez vous
 esiouir de l'heureuse couche de
 la Royne, puis que le salut de
 vos subiects en dépend, & que
 vostre cōtètement s'y récon-
 tre. Tāt de fois amateur de vo-
 stre Couronne auez vous sou-
 haitté ce que le Ciel vous faict
 obtenir, pue vous deuez estre
 diuertty de tout autre exercice
 & vous donner entierement à
 ceste nouuelle resiouissâce, qui
 vous fornit assez dequoy re-
 paistre les esperances de vostre
 merite, & qui semble, estre arri-
 uée autant pour le bien de vo-
 stre Couronne, que pour le cō-
 tètement de vostre Majesté.

Iadis les Romains voyant le
 feu des Vestales esteint, crain-
 gnoiēt la puissance de leurs en-
 nemis, & prenoient presque
 celapour vn presage de la ruyne

de leur Republique: mais aussi tost que la plus digne des Vesta les eust trouué l'inuention de le rallumer par le benefice du Soleil, ils commencerent d'esperer pour les mesmes accidens qui les auoient faict craindre, croiât que le Ciel leur auoit donné plus d'aprehension que de mal, & plus de menaces que de coups. Tout le mesme, Sire, les François vous voyant sans enfans, auoient peur de se voir soubmis sous vn autre qui creut plus legerement ceux qui luy conseilleroient de prendre les armes, & qui ne luy enseigneroient d'vler si doucement de ses victoires, ou qui les traitteroient avec plus de contrainte: Mais depuis qu'ils ont veu naistre de leur Soleil, & d'vne Princesse autant recommandable pour sa qualité, que recommandée pour ses merites: ce petit Prince, qui dès son berceau tesmoignoît de la velleur & de la

pieté: De la valleur, pour les
 maintenir, non comme lo par la
 garde d'un Argus qui se laissa
 aller aux charmes d'un Enchâ-
 teur, mais par la force d'un Her-
 cule qui sçait d'un coup trouuer
 la iointure pour couper les te-
 stes renaissâtes de ceste hydre:
 La pieté, pour affermir les insti-
 tutiōs de ses predecesseurs, non
 pas comme un Tybere en mon-
 strant au cōmencement de son
 regne un visage d'agneau, & à
 la fin un cœur de tygre: Mais ain-
 si qu'un Galba commencer &
 finir par une mesme douceur.
 Aussi n'apprehendent ils rien
 que de n'auoir assez de capaci-
 tés de vous tesmoigder leur al-
 legresse & leur obeissance. Voi-
 là pourquoy ils vous supplient
 que si leur eloquence n'esgalle
 leur affection, ils n'ayent autre
 chastiment que les Indiens dō-
 noient à leurs Gymnosophistes
 qui ayans failly à leurs predi-
 ctions, & contrains de se taire

pour l'aduenir, ils aient encores
 ceste faueur de participer à vo-
 stre felicité. Car de mesme que
 vn S. Herme fait recueillir les
 esprits à tous ceux qui avec le
 Pilote estoient menacez de la
 tourmente, Vous leur permet-
 tiez s'eslouyr à l'arriuée de ce
 nouueau Prince, auant-courier
 de leur prosperité, & participer
 à vostre ioye, cōme ils ont tou-
 siours eu leur part de vostre de-
 splaisir. Alors comme les Ro-
 mains à Germanicus ils vous ap-
 pelleront le Restaurateur de la
 maison des Cæsars, & rendront
 les mesmes honneurs à la Roy-
 ne, pour leur auoir enfanté ce
 Protecteur qu'ils rendirent à
 Veturie pour auoir reconcilié
 son fils Coriolan, ou à la mere
 des Scipiōs pour auoir enfanté
 des Libérateurs de la Republi-
 que. Les Lacedemoniens con-
 damnerent Archidamus leur
 Roy pour auoir espousé vne pe-
 tite femme disant qu'elle leur

enfanteroit des Roytelets & nō
 pas des Roys mais les François
 vous ferōt eriger des trophées
 pour auoir ſceu choiſir vne
 Princeſſe qui leur donna vn
 Prince anſſi preſt d'eſtre armé
 comme veſtu, & de conſeiller
 que de parler: Voylà pourquoy
 ie vous offriray les ſuffrages of-
 fertſ à ſa naiſſance, ſi ce n'eſt par
 vn de vos ſuiectſ, c'eſt par l'vn
 des ſeruiteurs du plus fidelle de
 vos alliez? Cōme ſi le Roy d'Eſ-
 pagne ſ'en eſt reſiouy, ce n'eſt
 pas vn teſmoigne de hayne,
 puis qu'en la reſiouiffance ne ſe
 fait que des choſes qui ſucce-
 dent noſtre deſir.

Nous dirons donc que le bon
 heur des François eſt eſclos, que
 leur franchiſe eſt aſſeurée, que ce
 qui nous pouuoit menacer eſt
 deſtruit. La Frāce qui ſembloit
 encor ſouſpirer ſes dernieres
 plaintes, aſpire maintenant à de
 longues proſperitez. Le Roy
 victorieuſement eſleué à ſceu

aussi tost abbatre que combattre
 ses aduersaires. Amiens prins en
 Renard avec les noix, & repris
 en Lyon avec les ongles, com-
 me le nœud de ses Estats expe-
 rimenta ses triumphes, aussi
 grands & heureusement esbau-
 chez par les armes, que beni-
 gnemēt acheuez par sa clemē-
 ce. Tāt d'autres lieux plegerōt
 ces deux belles qualitez qui cō-
 me soldats gagez du ciel & de
 la nature ont prins le soing de
 ses actions. De mesme que la
 cire d'Espagne s'amollit au feu,
 & se rendurcit en l'eau, ainsi son
 esprit aux plus violentes occa-
 sions se rend traictables, & son
 corps infatigable aux plus furi-
 euses rencontres. Comme le
 Selsifc grossit sa racine lorsque
 l'on foule aux pieds ses fueilles:
 ainsi roidit-il son amegenereu-
 se au peril, lors qu'il se voit plus
 trauersé. Et non content des
 gloires qui luy furent iustemēt
 concedées du ciel, comme au

plus auguste Prince de la terre. Il voulut non seulement auoir l'œil à ce qui regardoit son contentement, mais ce qui pouuoit apporter du repos à les subiers, & leur estre aussi tost pere tuteur que Roy legitime. Et pour plus grande assurance de leur tranquillité, il leur donne vn Dauphin. Dauphin à la verité bien contraire à celuy ne la mer qui conduit ses subiers au peril & les engage pour sa deliurance. Où cestui-cy n'est venu que pour affranchir les siens, & souuerainement affranchir les hazards pour les deliurer de la tyrannie. S'ils ont de la simpatie, elle est seulement recogneuë à leur beauté, & non à leur intention. Car retenant de la valeur & de la Iustice de sa Majesté, il ne craindra, mais se fera craindre de tous ceux qui attenteront à ses Estats. Et participant à ceste debonnaireté de la Royne, il ne desire rien plus que le salut de ses subiects. Le

courage(ordinaire bouclier des Princes de Bourbon) le sçaura bien garétir des embusches de ses aduersaires . Et ceste courtoisie(coustumiers attraits des Medicis) luy fera procurer la trāquilité & le repos des siens. Ie lis desia à sō visage les traictz remarquables de ses trophees aduenir: & à la douceur de ses yeux, les apparences futures du bon heur de la France. Ses bras menacent desia le paganisme, triõphe reserué à la destinée, & assurent les Chrestieñs du recouurement de leur Empire. C'est à ce coup que les propheties des Turcs seront accomplies, & que leur estat prendra fin , à la naissance du fils d'Auguste, où ie desire qu'il tourne ses armes, & non pas sur ses voisins où tu veux faire reluire celles de son pere. Ie crains mesme que son bon genie ne die desia comme Alexandre, que le Roy ne luy laissera que trop peu à conquerir,

&

& que le monde sera trop petit pour la grandeur de son courage. Toutefois l'ambition ne lui fera esbaucher tels desseins: mais la iuste cause des Chrestiens qui ne respirent que sa grãdeur luy fera executer à la gloire de Dieu & à l'augmentation de sa renommée.

Voyla toute la France libre, tu la veux captiuier, & apres des labeurs (où vn Herculeust esté bien empesché) reduitte sous l'obeïssance de son Roy, tu veux renouueller ces fatigues, & rallumer les feux de la guerre si heureusement esteints, la guerre ciuile dissipée; & tu veux que toutes les forces du premier Royaume de la Chrestienté courent sur vn grand Prince Chrestien, qui se laissera plustost vaincre à la courtoisie, que de defendre vne querelle iniuste. Le ciel arbitre des differens prononce ce sacré mot de Paix, par le consentement de deux Roys,

D

par le commun desir des Pro-
 uinces: la colonne des loix, la
 consolation des gens de bien,
 la ruyne des meschans, la gloi-
 re de Dieu, la perle des couron-
 nes, la tutrice des arts, la source
 de tous biens, qui rend l'ordre
 aux Estats, & par l'ordre remet
 leurs forces en nature, qui en
 sont tousiours chassée par les
 guerres & diuisions, & qui ne
 peut estre desagreable, sinon à
 ceux qui se plaisent aux mas-
 sacres de leurs freres pour l'as-
 souuissement de leur rage: au
 bannissement de leurs citoyens
 pour faire profit de leur retrait-
 te: à l'embrasement de leurs
 maisons pour s'eslouyr de leur
 malheur: au sac de leurs fortu-
 nes pour en esperer des despouil-
 les à l'impieté, pour voir pululer
 leur irreligion: à la licence pour
 auoir les coudées franches à e-
 xercer leur perfide: à l'iniustice,
 pour n'estre point chastiez de
 leurs meschancetez: & bref qui

comme toy n'ont rien de l'homme que le tiltre.

Vous avez assez combattu & debattu par le tranchant (grāds Roys les premiers & plus solides piliers de la foy) il est temps de tenir vos armes basses, & esleuer l'oliue au dessus de la palme: Reprenez donc vos esprits non pour continuer vos differēs par le fer, mais pour remettre eternellemēt à la prouidence de Dieu le gouuernement du monde: Endurez qu'il releue l'ancien ordre que ce perfide veut abbatre par des nouuelles diuisions: Espargnez le sang de vos subiects, espanché par tant de guerres intestines: Bornez vos ambitions de limites immuables de ces mers, ces fleuues & ces montagnes, qui separent vos heritages: Et pour ces glorieux tiltres de vaillans, de forceurs de villes, d'aigles & de conquerans, que la guerre vous ont acquis) ce sont tiltres plus

dignes de ces Princes Payens
qui les auoient vsurpez que nō
de Roy tres-Chrestien & Ca-
tholique) Prenez plustost & en-
tiltre & en effect ce beau nom
de Pasteur de vos peuples, & pe-
re des subiects qui font hom-
mage à vos couronnes.

Ignorant soldat, tu veux re-
nouueller vn duel, bastir vn ir-
recōciliation, & cōseiller payē-
nement vn Roy tres-Chrestien
de craindre vn ennemy recon-
cilié: & non pas comme l'ami
de Pyrrhe Roy des Epirotes,
conseiller le repos aupurauant
la conqweste. Les plus heureu-
ses victoires sont celles que l'on
obtient sur ses propres passiōs,
qui fōt naistre la haine au cœur
& mettre les armes à la main. Es-
coute ce que dit ce grand Capi-
taine la Nouë, que bien qu'il ne
fust Catholique, conseille les
Roys en Catholique.

Il veut que les Princes Roys
tres-Crestiens & Catholiques

par la remonſtrance de ſa Sainteté, & par la ſollicitation de ſa Majeſté Imperiale, ſe deſpouillèrent de toutes leurs animoſitez & que réuniffant deux peuples ſi belliqueux, on aille courre ſus au grand Turc.

Qu'il eſt expedient pour le bien du general que leur diuiſion particuliere ſoit appaiſee.

Que le Roy doit rompre l'alliance qu'il a avec luy, puis qu'il aymera toujours mieux comme infidele māquer de foy, que manquer l'occafion d'agrādir ſa tyrannie.

Que ſi ſes predeceſſeurs l'ont recherchée pour l'aſſeurāce de leur couronnes que maintenant elle n'eſt plus neceſſaire, en tāt qu'il entretienne la Paix avec ſes voiſins.

Qu'il eſt dangereux aux Princes Chreſtiens & Catholiques, d'appeller à leur ayde des infidelles qui ſont bien aifez de ſe ſervir du tēps qui rit à leur de-

fir, & qui serōt tousiours prests de s'establiir aussitost à la ruyne de ceux pour qui, que contre qui ils viennent.

Que pour cela on ne doit craindre que nos voyfins s'en seruent, & qu'ils nous vueillent battre des armes que nous auōs mesprisées.

Leur ambition n'est pas si hors de raison, qu'ils n'ayment tousiours mieux agrandir leur heritage aux despens des barbares, qu'aux nostres; & auoir pour amy & confident vn Roy tres-Chrestien qu'vn Tyran Mahōmestiste. Que si l'Espagnol s'est allié au Persā, c'est pour ce qu'il seroit bien aisé que ces deux loups acharnez l'vn contre l'autre peussent eux-mesmes auancer leur ruyne, à fin de leur rendre au temps de leur diuisiō ce qu'ils ont presté aux Chrestiens Grecs. Et quād bien on voudra maintenir l'vne pour vne contrebrigue de l'autre, ce ne peut

estre qu'à nostre confusion, l'vne & l'autre estant suspecte, & entretenant la ialousie de tous deux.

Qu'il ne faut pas craindre que les Princes Chrestiens voulussent troubler la seureté & le bien vniuersel, & renoueller les anciens differés, apres auoir donné vn ample tesmoignage de reünion, d'amitié & de fidelité au bien cōmun de la Chrestieté: Et puis Dieu chastie ceux qui violēt leur sermēt quand il y en auroit quelqu'un qui fust si malheureux que parler en Renard pour apres combattre en Lyon, Dieu ennemy des violeurs de foy puniroit sa desloyauté, & l'aueuglant en ses conquestes, comme Hannibal luy feroit attendre l'aage d'un Scipion, qui en le chassant des pais vsurpez, iroit vsurper les pays de ses predecesseurs.

Qu'en vne Paix si generalle il ne faut point apporter d'artifi-

ce, qui ne veut esprouuer des stratagenes.

Que Godefroy de Buillon eust la meilleure fortune en la terre Saincte pour y estre allé avec le plus de zele.

Qu'il ne faut pas craindre que les faicts des victoires d'une armée generale apportassent la dissention entre les Princes, que puis qu'ils s'estoient bien accordez au triomphe ils s'accorderoient bien au partage.

Que pour parler en homme Chrestien on ne doit point desirer que deux si puissans Monarques s'attaquent; car apres auoir mis en ieu leurs vassaux & leurs subiets ils appellent leurs alliez, & souuent d'une querelle particuliere s'en fait vne generale.

Qu'il ne faut pas croire que les petits Princes soient bien aises que les grands Rois s'entremangent en tant qu'ils ne les veulent destruire.

Qu'il faut redouter la force de grand Turc qui s'augmente par nos dissensions: qu'il ne la faut mespriser pour estre eslongnez de la tyrannie: Car si vne grande puissance demeure quelque temps sans faire des grands progrès, c'est pour executer tout d'un coup ce qu'il à couué tant d'années. Ses forces auoient bien esté ralenties par la prudence & valeur du Duc de Mercœur qui premier à osé les attendre sans separation de riuiere, & de qui les Bachats ont rapporté au grand Seigneur, que c'estoient les coups du ciel, & non pas les coups de ses mains qui les auoit sceu vaincre: maintenant que ceste coulomme de la foy est abbatuë, ils pourront estre plus huureux au combat, n'ayant plus de François à combattre: & si le Roy à qui toutes iustes cōquestes sont reseruées ne la fait releuer par quelqu'un de ses Princes ou Capitaines,

dont la France formille. Qui pourra attendre & pretendre la victoire d'un tel nombre de guerriers? Qui s'opposeroit à leur multitude, apres qu'ils auroient trauersé & renuersé nos frontieres? il vaut mieux blanchir leurs champs de leurs os, que de leur laisser rougir les nostres de nostre sang. Il faut confesser que nonobstant nos offenses, dignes de punition, si Dieu ne veilloit pour nostre salut, tandis qu'endormis pour un si grand ennemy, tu veilles pour nous en susciter des autres nous eussions des-jà resenty la pesanteur de leurs coups, dont nous ne sommes pas encores asseurez, si nous ne nous seruons des remedes que Dieu nous met à la main.

La Nouë en
ses discours
politiques &
militaires.

C'est donc aux Empereurs, Roys, Princes, auxquels Dieu à assubietty des peuples pour leur rendre obeys-
sance, à ceste occasion les doyuent
ils gouverner par Iustice, & les gar-

tir d'oppressions. Et tout ainsi que les
 Pasteurs ont tousiours les yeux ouuers
 pour garder que les loups ne surpren-
 nent leurs troupeaux, aussi doiuent
 ils par vne diligence continuelle em-
 pescher les horribles degasts que ceste
 cruelle nation continue sur leurs su-
 iectz. Or qui fait en cecy que les Prin-
 ces ne sont gueres affectionnez, c'est
 qu'ils se rendent du tout attentifs à
 leurs grandeurs particulieres, dont
 s'ensuit l'oubliance de faire chose au
 benefice des Chrestiens: l'autre cause
 qui depend quasi de ceste cy, est la
 crainte & le soupçon qu'ils ont l'un
 de l'autre, ce qui engendre des maux
 priuez lesquels font negliger les maux
 publiques. La premiere personne pour
 persuader avec efficace seroit le Pape
 la dignité duquel est beaucoup reue-
 rée des Princes Catholiques, vers qui
 il enuoyeroit solennellement. La se-
 conde personne necessaire seroit l'Em-
 pereur, car en cores que sa puissâce ne
 soit maintenant conforme au tiltre
 qu'il porte, si est ce q̄ la sacrée dignité

dont il est reuestu doit estre en grande reuerence à tous les Potentats, les remonstrances duquel auroient aussi grand pouuoir enuers la germanie: La troisieme personne le Roy d'Espagne, cause de sa grandeur & puissance, sur laquelle ses paroles estant appuiées, la crainte qu'on auroit qu'il deuint mal-veillant rendroit vn chacun plus prompt à bien faire.

Il a esté prisonnier du Roy d'Espagne, & ne le calõie pas comme roy, soit qu'il en ait esprouué la douceur, ou reconnu le merite. Il ne dispense pas le Roy d'vn si digne assemblée. Il le faisoit chef de l'vne des armées de terre, dès qu'il n'estoit que Roy de Nauarre, avec le duc de Lorraine, luy pour executer des bras, & cestui-cy pour y contribuer sa prudence, son conseil & le bon-heur de ses ayeuls. Il n'estimoit pas si peu le Duc de Sauoye que bien informé de la capacité & de la valeur qu'il te-

noit de succession de son pere,
il ne le choisit comme allié du
Roy d'Espagne pour chef de les
bandes.

*En ce faict icy i'estime que si les
Princes cy deuant nommez, vou-
loient sincerement proceder, & a-
uec la parole ioindre les bonnes de-
monstrations, qu'ils en pourroient
venir à bout: car outre l'equité du
faict, le desir de beaucoup de gens de
bien les accompagneroit, qui ne de-
mandent que l'exaltation du nom
Chrestien: Aduenant donc qu'un
tel Roy que le Roy de France fust as-
socié, il seroit facile apres de faire
entrer en l'union generale tous les
autres Potentats, & mesmement le
Roy qui maintenant regne en Pou-
longne.*

Alors seroit-ce le moyen de les
destruire & preuenir au mal
qu'ils pourchassent à la Chre-
stienté. Car mesme leur vanité
est si grande, & mesprisent tant
les Chrestiens, qu'ils estimeroiēt
plustost estre vne feinte pour

les estōner, qu'un iuste foudre
pour tonner à leur ruyne. Mais
auparavant que de les assaillir
par armes, il faudroit recourir
aux prieres & aux vœux, & faire
en nostre téps ce que Guichar-
din remarque estre fait au sien.

*Au 3. liure
de son histoi-
re.*

Que le Pape estonné des grâds
sucez de Selim en Egipte &
par tout ailleurs implora le se-
» cours diuin, & fit faire par Ro-
» me de tres-deuotes processions
» esquelles il alla pieds nuds. Puis
» se tournant à penser & à traiter
» des secours humains il escriuit
» des bres à tous les Princes Chre-
» stiens, en les admonestant du
» grand danger, les priant que,
» laissant là leurs discordes &
» dissensions, ils voulussent pri-
» ptement regarder à la defense
» de la Religion & du salut com-
» mun, lequel estoit continuelle-
» ment exposé à des tres-grands
» dangers, si de courages & for-
» ces vnies on ne transportoit la
» guerre en la Turquie, & si on

n'assailloit l'ennemy en sa propre maison. Surquoy les aduis bien considerez de plusieurs personnes entenduës au fait de la guerre, & d'autres cognoissans le pays, & la disposition, tant des Princes, que des forces & armées du Turc, on resolut qu'il estoit necessaire de faire vne tresgrande prouision de deniers, moyennant la contribution volontaire des Princes, & vnimpot qui se feroit generallyment sur toute la Chrestieté. Que l'Empereur, accompagné de la caualerie des Hongrois & des Polonois, natiōs belliqueuses & exercées en guerres continues contre les Turcs, & avec vne armée de gens de cheual & de pied Allemans, telle que cōueniendrait pour vne si grande entreprise, nauigeroit par le Danube, en la Boëme (qu'on nommoit anciennement Mysie) pour aller de là en Trace, & s'aprocher de Cōstātinople, siege de l'Em-

„ pire des Otthomans. Que le
 „ Roy de France, avec toutes les
 „ forces de son Royaume des Ve-
 „ nitien, & autres Seigneurs d'I-
 „ talie, accompné des gens de
 „ pied-Suiffes, passeroit du port
 „ de Brunduse en Albanie (qui est
 „ vn passage aisé & fort court)
 „ pour assaillir la Grece pleine
 „ d'habitâs Chrestiens, & tant pour
 „ ce regard, que pour la rude do-
 „ minatiô des Turcs, tres-dispo-
 „ sez à se rebeller. Que les Roys
 „ d'Espagne, de Portugal & d'An-
 „ gleterre, assemblans leur armée
 „ de mer à Carthagene & és ports
 „ voisins, s'adresseroient avec
 „ deux cens vaisseaux pleins de
 „ gés de pied d'Espagnols, & d'au-
 „ tres soldats, au destroit de Gal-
 „ lipoly, pour assaillir Constanti-
 „ nople, apres qu'ils auroient pris
 „ les Dardanes, autremēt les cha-
 „ steaux assis à l'emboucheure du
 „ destroit. Que le Pape tiendroir
 „ ce mesme chemin avec cēt gros
 „ ses galeres. Avec lesquels appa-

reils la mer & la terre eſtât cou-
 uerte, & aſſailly par tant d'en-
 droits l'Eſtat des Turcs, leſquels
 font leur principal eſtat de ſe
 defendre en campagne: il ſem-
 bleroit (ſi adioignant princi-
 palement le ſecours diuin) qu'o
 pourroit eſperer d'une ſi ſainte
 guerre vne iſſuë & fin tres-heu-
 reuſe.

Les forces Chreſtiennes ainſi
 diuiſées de lieux, & vnies de vo-
 lontez, cōduites ou par les Ca-
 pitaines que la nouë choiſit, cō-
 me dignes d'une telle eſlection,
 ou par d'autres experimentez,
 dont la France, l'Eſpagne, l'Ita-
 lie, l'Allemagne, & l'Angleterre
 fourniroient facilement. Il ſe
 trouue entre les François autāt
 de Capitaines, que de Soldats,
 qui ſçauent auſſi toſt conduire,
 que combattre, & principale-
 ment pour la caualerie, entre les
 Eſpagnols que tu mépriſes inſo-
 lemment, ſe trouuent des bons
 Capiraines, que biē qu'ils ſoiēt

retenus par les cōmandemens
 de leur Prince, sont toutes-fois
 bien prompts de les executer:
 C'est entre leurs gens de pied
 que la milice est bien obseruée,
 & qui (quoy que tu die) sont
 tousiours plus resolu à la mort
 qu'à la fuite, & ne peut on dire
 qu'entre eux la discipline mili-
 taire gise malade, tourmentée
 d'une grande maladie, comme
 entre nous, qui ne pouuōs fai-
 re la guerre à nos ennemis que
 nos amis ne se ressentent de nos
 courses: ce qui seroit à craindre
 que leur bon ordre & nostre
 cōfusion n'empeschast l'execu-
 tion de tes cōseils, si tu ne veux
 enuoyer le Roy si loing de ses
 subiects, à qui sa presence sem-
 ble aussi necessaire que le Soleil
 aux fruits nouueaux, pour en
 esperer vn bōvsage. Je suis d'ac-
 cord avec toi qu'il est assez puis-
 sant sans vne conquēste estran-
 gere. Que l'ambition des plus
 grands a esté la premiere cause

de leur cheute, que le desir d'une
 ne entiere dominatiō leur a fait
 cōsumer leur aage avec plus de
 fastes que de fruićts. Alexandre
 à bien sceu conquerir les Estats
 de ses voisins, & n'a pas sceu as-
 seurer les siens à ses enfans. Il a-
 grandit des estrāgers qui ruyne-
 rent ses plus proches, & qui
 iouant à la pelote de ses conque-
 stes eurent aussi peu de profit
 de les diuiser, qu'il eut de iouys-
 sance de les auoir vnies à son
 Empire. Qu'ay-je à faire d'aller
 chez les Grecs chez les Romains
 pour en apporter des exemples?
 nostre estat à dansé à la feste cō-
 me les autres. Tellement que le
 Roy sollicité de sa Clemence à
 moderé ceste passion de cōque-
 rir au plus aisé de sa fortune, se
 representant les maux que les
 guerres enfantent, & qu'il est
 bien malaisé de faire des grādes
 conquestes, sans faire souffrir
 des grands maux à ses subiects.
 Aussi est-il plus raisonnable

Prehoyance

d'un Prince

de bonnaire

qui ayme

mieux se ren-

fermer en ses

limittes que

de les accrois-

stre aux des-

pens de ses

subiects.

*Les Rois ac-
quierent plus
par douceur
que par force*

que le Prince demeure sans cō-
querir, que de s'agrandir par vio-
lence, puis que toutes choses
succeedent heureusement aux
Princes qui moderent leur puis-
sance avec la benignité, & de
qui on redouté les armes autant
ou plus que les ennemis. Et puis
il n'y a rien qui auoisine les hō-
mes si pres de Dieu, que de faire
bié aux hommes, & s'emploier
pour leur prosperité. C'est vne
belle chose d'estre entre les hō-
mes reputé Illustre, dōner tēps
à sa colere & pourchasser la Paix
durant son regne, qu'il soit pe-
re debonnaire & clement, à fin
que les subiects ayent plus de
crainte pour luy que de luy: car
la rigueur apporte plus d'apre-
hension à celui qui s'en veut ser-
uir à son establisement, que de
fidelité du peuple qu'il violēte.
Si ne doit pas estre le Prince si
retenu en les chastimens qu'on
le mesprise. Qu'ainsi que le Liō
il terrasse ceux qui le voudront

colleter, & pardonnent à ceux
 qui flechiront sous sa grandeur.
 Souuent ceux qui cessent de
 craindre commencent à hair. Je
 ne permets donc pas au Prince
 d'establir sa grandeur par la vio-
 lence, ny de l'asseurer par vne
 pusillanimité. Je suis de ces es-
 cuyers qui leur tirent la bride
 non pas tant, qu'ils reculent
 mais assez pour aller le pas. Que
 les pardons trop ordinaires ne
 soient autant dommageables au
 Prince, que le trop de coruées
 aux Aduocats: ny que les puni-
 tions ne leur soient autant des-
 honnestes, que le trop de sepul-
 tures au Medecin. Il est vrai que
 la grandeur ne s'assouuit que
 difficilement, & qu'ou il y a plus
 d'eau, & plus il y a d'alteration:
 Toutesfois on se laisse si douce-
 ment aller à la persuasion d'une
 ambition, qu'on estime toute
 chose iuste pour commander:
 & toutes les sollicitudes dont il
 enuelope son esprit luy sem-

*Le Prince
doivent enten-
dre tous con-
seils, & exe-
cuer les plus
raisonnables.*

ble vn doux exercice de sa passion. Si est-ce qu'on peut appeler heureux celuy qui sollicité d'iniustes persuasions comme les tiennes, est autant retenu à les executer que prompt à les entendre, puis qu'il est bien loysible d'esconter ce qui peut nuire, ou fauoriser vn Estat & pratiquer seulement ce qui est iustement raisonnable: En quoi la prudence doit seruir de lumiere & de guide, à fin que ne versant point par tel chemin, ils couronnent leur peine de quelque contentement.

Parauanture que le Roy tenât les maximes de ce bon Prince Henry second, par l'experience de la vanité de conuoitises, se delibere de continuer ses iours en tranquillité & content de son Estat, laisser à ses subiects vn regret de son regne. Aussi bien les Parcifiques sont plus fastueusement honorez des peuples que les Conquerans: & tu veux for-

cer sa resolution, & de content
le rendre conuoiteux, pour al-
ler avec le fer, le feu, & le sang,
arborer ses enseignes sur les ter-
res de ses confederez.

Ie n'entends desia dire, que
c'est refroidir la valeur & du
Roy & de ses subiects de le ren-
fermer en des craintes, & de le
prier de si beaux heritages à
quoy leurs predecesseurs ont
desiré qu'ils participassent: &
qu'il est impossible, que se re-
mettant deuant les yeux la do-
mination de Charlemagne, ils
ne l'enuiét comme patrimoine
de l'ambition de ses predeces-
seurs. Il est vray que l'enfermât
comme vn œuf en sa coque, il
n'estale point les effects de sa
proüesse: Mais aussi maintenant
il la foy iurée, & aplaudy des
vœus de son peuple, qui ne le
voit qu'à demy, il a des benedi-
ctions qui avec sa prudence ser-
uent de borne à son Empire. Et
aduoue que c'est bien se con-

mander d'heriter des vertus, & des forces avec lesquelles Charlemagne à trauersé tant de nations, & de n'heriter que de la moitié de son patrimoine.

Responce à ce qu'il dit que l'araigne chafse & travaille le si acortement qu'on ne peut dire si elle chafse ou travaille.

Quoy? ie responds qu'on n'herite pas tousiours de la fortune de ses ancestres, qu'on n'obtiēt pas tout ce qu'on desire, & qu'on ne paruiet tousiours à son entreprise, que quelques-fois nostre ouurage est vne toile d'araigne qui nous emprisonne avec nostre butin.

Fausse accusation contre la fidelité des François.

Voila vn aduis digne de celui qui le donne, & de ceux à qui il est donné: & non pas le tien, qui pour euitier (dis-tu) la sedition des François, qui peuple bouillant ne peut viure en repos, veux conuier le Roy à des combats où sa valeur le fait hazarder en Soldat, & non pas en Roy. De qui tiēs-tu ceste faulse maxime, qu'il faille écumer vn Royaume par vne guerre estrangere, & troubler l'Estat, de son voy-

voisin pour tenir le sien en repos? Où trouue-tu que les François ayment mieux semer les maux de la guerre que de moissonner les fruits de la Paix, qu'ils desirent plustost de veoir leurs chāps en friche que labourez? couverts de ronces que de verdure? voir desmollir leurs villes que de les fortifier? Bref ouurir leur porte à Mars & la clore à Minerue?

Si c'est sur les attentats faits à la personne du Roy par quelques perfides, ton accusation à fort peu de fondement. Vne hirondelle ne fait pas le Printēps. L'Aigle qui meurtrit sō bastard ne destruiet pas ses legitimes. Vne goutte d'huile gaste bien tout vn muid de vin, mais vn meschant n'infecte pas toute vne assemblee: Et puis les Roys ont des bons genies qui veillent à leur salut, & qui ennemis des perturbateurs de leur repos fōt boire à ces perfides le vermin de

E

leur coupe. Monsieur le Comte de Soissons ne le garentit-il pas de la traison de Nicole Mignon qui eust le feu pour le poison qu'elle luy preparoit. Monsieur le Duc de Sauoye que tu appelles son ennemy, ne l'aduertit-il pas d'un Gêtil-homme du Dauphiné, qui cōmençoit à brusler le tison fatal de sa vie. Bref les Rois sont donnés de Dieu pour estre honnorez & respectez des peuples, & comme ses enfans il en prend la tutelle, il reprime ce qui tonne cōtre leur prosperité, & estonne les suiects de leur Empire. Tous ceux qui se seruēt des artifices de leur perfidie pour cōclurre, comme à la majeure, à la ruyne des Potentats, sont aussi tost desconfits qu'attentās, & vn iuste supplicē leur enseigne par experience ce que la loy, le respect & la raison n'a peu imprimer à leur meschanceté. Romule eut vne nourrice en son infortune. Moyse vn se-

cours à son naufrage, & Cyrus
 vn tuteur à son peril. Bref de-
 puis que l'on dresse vne embus-
 che à vn Prince, on assure sa
 Couronne par méfiance, & Dieu
 le garantit des monopoles à la
 honte de ceux qui se veulent en-
 feuelir dans leur ruyne. Impru-
 demment veux-tu donc hazar-
 der le Roy à des guerres, sous la
 deffiance que tu veux qu'il aye
 de ses subiects, & avec vne ar-
 mée de personnes esgarées, de
 qui on ne peut tirer vn bon ser-
 uice, nō plus que de toy vn bon
 cōseil. Quel chef essiras-tu en-
 tre ces hōmes sans chef & sans
 conduite? quel conseiller en-
 tre gens qui n'ont iamais suiuy
 que des mauuais cōseils? quel-
 le science en l'art militaire peut
 sçauoir vn vagabōd qui n'a pra-
 tiqué que les grands chemins?
 qui n'en sçait la pratique ny la
 theorie, ni pour l'auoir exercée,
 ni pour l'auoir aprise? qui n'a e-
 sté soudoyé d'autre natiō que des

*Responce à
 ce qu'il veut
 faire vne ar-
 mée de fai-
 neants.*

passans à qui il à rauy la bourse;
 qui ne sçait ny quel ordre est
 conuenable à vne armee, ny cō-
 me il faut espier la contenance
 del'ēnemy qui ne sçait par quel
 endroit il faut rompre vn exer-
 cite, forcer vn bataillon, atta-
 quer vn gros de cauallerie? qui
 ne sçait ranger vne bataille, at-
 tirer l'ēnemy à l'escharmouche,
 se loger à l'aduantage, faire des
 retranchemens ny autre pre-
 uoyance de bon Capitaine? qui
 ne sçait preuoir quel ennemy il
 doit battre, s'il est besoin de pre-
 cipiter l'affaire ou del'attirer en
 longueur? qui pensant estre es-
 longné de son ennemy à faute
 de preuoyance, la premiere nou-
 uelle qu'il en sçaura fera sa def-
 faicte? qui enyuré de quelque
 bon succez ne pensera iamais a-
 uoir la fortune ennemie, qui ne
 sçaura bien commander pour
 n'auoir bien sceu obeir? La ver-
 tu doit estre fidelle compagne, à
 ceux qui ont préeminēce sur les

hommes, & particulièrement sur les hommes de guerre, pour refrener l'insolence qui ordinairement y est assez familiere. La force & la vigueur doiuent estre les soldats de sa table, pour ne reboucher à tant de labeurs, qui sont de la grandeur de sa charge, pour estre ordinairement meslé parmy ses troupes & familiariser mediocrement avec les moindres, non pas tant qu'il en soit mesprisé: ny si peu qu'il en soit hay: qu'il les guide si courageusement au peril que les soldats enuyent plustost de l'imiter en ses actiōs qu'en ses paroles, les contraignant par exemple & non par commandement: que plus il trouuera les affaires en mauuaise esperance, que moins il le face cognoistre aux siens: que plus il aura d'auantage sur les ennemis, & moins s'en orgueillisse. Ces passios emportent souuent les plus resolus, si quelque solidité d'esprit ne les

modere, se monſtrant courtois
aux vaincus, humble au vain-
queur, nō iuſques à le craindre,
voire bien iuſques à l'aymer: pa-
tient en ſon affliction, modeſte
en ſa proſperité: comme Fabri-
ce corriger les défauts des ſiens
par remonſtrance & non par
ſupplice: & comme Ageſilaus
leur mōſtrer la foibleſſe de ceux
qu'ils ont vaincus, pour leur
donner plus d'eſperâce de vain-
cre le demeurant. Encor faut-il
qu'un Capitaine ſoit preuoyant,
qu'il ſ'aſſeure pluſtoſt ſur ſa bō-
ne conduitte que ſur ſa bonne
fortune, car ie meſpriſe ceux qui
precipitāt leur entrepriſe, ſont
peu crains & beaucoup meſ-
eſtimez de leurs ennemis: Mi-
nutius en ſçauroit biē que dire:
& ſi les charges ſe donnoiēt par
ſuffrages, Fabius Maxime empor-
teroit ſa voix, cōme iadis il em-
porta le tiltre de parain & de pe-
re, luy ayant enſeigné la façon
de ruiner ſes ennemis ſans dan-

ger, & pour l'en auoir retiré sans recompense.

Ce n'est pas tout de se jetter au peril pour tesmoigner vne grandeur de courage. Il n'est plus de Cocles pour resister à vne armée. Je croi que c'est vne espece de temerité, de vouloir entreprendre vne chose ou l'assurance du danger est plus grande que l'esperance de l'execution, encore que la victoire la plus perilleuse soit la plus glorieuse. Ces fautes-là sont aucunement supportables à vn soldat, qui comme celui de Luculle, veut mourir ou estre riche: où comme Iason Pheræus qui tenoit la mort plus douce q̃ sa douleur. Mais à vn chef ces promptitudes sont reprochables, mesme aux victorieux: Car si le bon-heur luy a sauué sa teste, sa temerité en auoit voulu perdre vn million d'autres. Tellement qu'il faut, comme dict Sertorius, Que le chef considere auāt

que de pouruoir: Puis que les
 fautes à la guerre sont de plus
 difficile correction. Celuy qui
 se precipite trop, peche de ne-
 cessité, comme nypouuant fail-
 lir deux fois: qui faut aussi à la
 haste, se repent à loisir. Auec ce
 qu'il y a de l'erreur en la temeri-
 té, il y a encor du malheur: pour
 vnà qui elle reussit, elle en ruine
 vn cent. Cæsar jetta le dé, &
 voulut se perdre ou veindre:
 mais il estoit tant asseuré de ses
 soldats, & si coustumier à dom-
 rer, qu'il ne pensoit pas estre dō-
 table. Nicias & Demosthene le
 Capitaine se perdirent en la
 guerre de Siracuse, pour auoir
 inconsiderémēt attaqué & mes-
 prisé leurs ennemis. Tous les
 Capitaines n'ont pas eu le bon
 heur de Cæsar. Darius & Porus
 furent deffaiçts par Alexandre,
 pour s'estre pluost fiez au nō-
 bre de leurs gens qu'à premedi-
 ter le moyen de les biē condui-
 re. Sertorius réuoyoit Pompée.

à coups de foüet aprēdre le mestier de la guerre, ce viel precepteur Metelle ne l'eut secouru. Tant d'autres qui pour estre Cæsars en courage, ne l'ont pas esté en bōne fortune? D'ailleurs la prōptitude est subiecte à tant d'ēbusches, qu'elle est plus nuisible aux amis, que dommageable aux ennemis. L'audace comme sa compagne plus fidelle, lui suggere de mespriser tout le monde, & de n'aller du pair que avec sa vanité. Entreprendre sans conseil, executer sans iugement, hazarder sans considération, & se perdre avec ennui, sont les familiares auantures des temeraires, qui sont subiects à toutes sortes de fraudes & deceptions: Pour ne prendre pas le loisir de les preuoir, ils n'ōt pas l'adresse de les euitier. Le Dragon se nouant inconsiderēmēt aux jambes de l'Elephāt y trouue sa mort en y cherchant son viure: & le Loup, que la faim faict

temerairement courir où il entend crier l'oye, tombe en vn precipice, & laisse sa peau pour son escot. Bref, c'est tousiours vne imprudēce de s'exposer au peril auant que de le cōsiderer. Curse qui pour deliurer les Romains des fraieurs que l'ouerture de terre leur cauſoit, se jeta, nō pas temerairement, mais apres qu'il recogneut que personne n'estoit si charitable à sa patrie que de se vouloir perdre pour l'asseurer. Encores y auoit il autant de superstition que de charité, de se sacrifier au bien & au salut d'un peuple qui recompenseroit sa memoire de quelques honneurs. Nous deuons exposer nostre vie pour le repos de nostre Prouince, sans que la vanité nous y pousse plustost que nostre deuoir. C'est vne belle occasiō aux fastueux d'acquiescer des louāges à leur mort, que de l'exposer pour la deliurance de son pays, puis qu'ils ne vi-

uent que pour estre honnorez,
 & laisser quelque bõne impres-
 sion d'eux. Toutes-fois ce n'est
 pas que ie cõseille que le Capi-
 taine se precipite sous couleur
 de reputation ou de garentie,
 car le peril est bien tousiours es-
 pineux pour luy, où le salut ne
 le serapas pour ses amis. Etquãd
 mesme il seroit si retenu en sa
 presumption que de ne cõmet-
 tre point de fautes, il n'execu-
 teroit pas de grandes choses,
 veu qu'une ame de son naturel
 audacieuse est semblable aux a-
 nimaux qui ont perdu leurs es-
 guillons, deuiant pesante &
 endormie. Voylà donc pour-
 quoy il est plus necessaire que
 le chef soit aduisé qu'audacieux
 iudicieux que presomptif, & té-
 peré que brusque en ses entre-
 prises: qu'il ne se soucie point q
 l'on appelle timidité sa preuoia-
 ce, si pour estre tardif il a si bien
 cõsideré l'ordre de ses ennemis
 qu'il soit comme feu la Nouë

deuant Senlis, autant aſſeuré de la victoire que du cōbat. Quāt meſme il ſe retireroit ſans auoir combattu, aiant ſeulement empeſché les deſſeins de ſes ennemis: Qu'ils ne prennēt pas garde aux brochards de ſes ſoldats, que comme Antigonus il les face eſloigner de ſa preſence: Il vaut mieux qu'il ſoit redouté d'un ſage ennemy qui aura ſceu recognoiſtre ſon experience, cōme Fabre Maxime d'Annibal, que d'eſtre loué d'un peuple eſceruelé: qu'un petit auātage qu'il aura ſur ſes ennemis ne luy face par preſūptiō faire vne grande perte cōme à Pōpée, & qu'il croie pluſtoſt à ſon experiēce qu'à la fureur ou à l'intolēce de ſes ſoldats. Quelquesfois pour ne ſçauoir que c'eſt de combattre ils demandent le combat, & font touſiours leur apprētillage à la honte & à la ruyne de ceux qui les conduiſent. Le meſme Pompee en eſt teſmoin, qui apres a-

uoir esté cōtraint par des beaux
 fils, plus propres à l'entretiē des
 Dames qu'à l'exercice de Mars
 plus sages aux inuentions de la
 chambre des filles qu'aux stra-
 ragemes de la guerre, à donner
 la bataille, (si vn chef peut estre
 forcé par des particuliers sol-
 dats à faire vne faute generale)
 Ils eurent si peur (estāts blesez
 au visage) d'estre disgratiez de
 leurs Maistresses, qu'ils aimerēt
 mieux perdre leur hōneur, q̄ les
 bōnes graces de leurs amantes.
 Voilà cōment il est dangereux
 de se laisser aller à la persuation
 des personnes aussi prompts à
 fuir de la bataille qu'à la cōseil-
 ler. Il vaut mieux comme Fabe
 Maxime costoyer son ennemy
 de costau en costau, & le cōtrain-
 dre à dire ce qu'Hannibal disoit
 de luy, Qu'à la fin ceste nuée qui
 sied aux mōtagnes se dissoudra
 en pluie. Je ne conseille point
 qu'on ne face rien, qu'on soit
 propre pour despendre & non

pour defendre: Il faut prédre le
tēps & cōduire par la raisō ses en-
treprises, & non pas se remettre
du tout à la fortune, si, comme à
vn Alexandre, elle ne luy est en-
tierement fauorable. C'est vn
des boucliers de la guerre que
le bō-heur qui est vn dō du ciel
continué par prouidence. Cleo-
mene auoit biē eu ceste felicité
au cōmencement de ses armes,
mais pour l'auoir plustost accō-
pagné de fougue que de conseil
il l'abandonna. Le bon heur ne
veut estre promenē selō la pas-
sion des temeraires: & pour les
accōpagner vn iour, il n'est pas
tous les iours de leur fuite. Il est
semblable à ces vieux caualiers
qui se trouuēt en vn iour de ba-
taille assignez, & qui ne peuuēt
fuyure à toutes les escarmou-
ches: Il se trouuera biē à vne en-
treprise meuremēt cōsiderée, &
non pas à toutes les occasions
que la ieunesse recerche pour se
signaler. La preuoyance sert de

beaucoup au bon succez : mais
 encore suis-je de l'advis de Pla-
 tō, en ce qu'il croit, qu'ē la guer-
 re vne grāde fortune est neces-
 saire, à fin qu'assisté du Ciel, la
 terre ne puisse résister Il y en a
 qui sont nez en la quatriesme
 Lune, qui ont en leur maison le
 cheual Sejan : quelque chose
 qu'ils entreprennēt ne leur re-
 ūssit. D'autres que mesme les
 plus grandes tempestes n'osent
 assaillir. Voilà pourquoi les Ro-
 mains aiant esgard au bon heur
 de leurs Capitaines ont si sou-
 uent employé Marius, Scipion,
 Metelle & Fabe Maxime, qui
 ne sceurent iamais que c'estoit
 d'estre vaincus. Octaue Cæsar
 mesme entendant qu'apres la
 deffaicte de Brute & Cassie ses
 ennemis s'estoiēt retirez sous la
 conduite d'un Scipion, & qu'ils
 tenoiēt ce nom fatalemēt vain-
 queur en Afrique, pour oster cet
 ombrage de l'esprit des plus su-
 perstitieux, il fit cōmander son-

armée par vn nommé Scipion afin que ses soldats creussent auoir autant d'auantage que les ennemis. Voilà pourquoy il est expediēt qu'en l'electiō des Capitaines on aie esgard à ceux qui scaurōt mieux vser de leur bonne fortune pour accroistre leur autorité. Souuēt les chefs sont desdaignez pour estre trop malheureux. Et cela importe pour estōner les ennemis que le chef soit hommed'autorité, & pour donner courage aux amis & allies, qui ne se hazardēt qu'à regret sous la conduitte d'vn homme de basse qualité, si sa creance ne supplée à sa condition : Elle est bien fille du bon-heur, si est ce qu'elle se doit iudicieusement introduire entre les siens, en se familiarisant avec les plus grāds & les plus remarquables, en traitant humainement les moindres & en commandant à tous absolument. D'estre pourtant si seuerre que de punir toutes les fau-

tes, c'est se rendre redoutable: Et d'estre si benin que de les pardonner, c'est se redre mesprisable. Pour vn seul seruiteur pardonner vn nombre d'offences, c'est lascheté: oublier vn nōbre de seruices pour chastier vne seule offence, c'est tyrannie. Hayr vn homme & s'en seruir, c'est sottise & imprudence de l'agrandir apres l'auoir offensé. Le dernier Duc de Bourgongne experimenta bien à Morat, & deuāt Nācy, qu'il ne se faut tant fier à son bon-heur, qu'on entreprenne vne guerre iniuste: ny se seruir d'vn hōme que l'on à offensé. Tāt d'autres qui ont mis tous les estats de leurs voisins en cōpromis, ont eu plus de desirs q̄ de vie. Tellement que le chef mediocrement violant sera necessaire aux siens: le trop rude & aspre aura plus d'enuieux que de soldats: le trop doux plus de compagnons à sa table, que de subiects à la bataille. Parquoy il

vaudroit mieux qu'un chef fust
 trop severe que trop facile: Car
 encores que les soldats lui por-
 tent enuie, ils obeissent & admi-
 rent ceste vertu, cõtre laquelle
 ils se courroucent, & la suportēt
 plus aisēmēt si elle est moderée
 de quelque courtoisie. Mais où
 veux tu trouuer (Soldat peu iu-
 dicieux) entre tes batteurs de
 pauez, & tes garnisons de haye
 & de buisson, vn chef qui puisse
 estre digne de conduire vne ar-
 mée? Qu'elle police y donnera
 il? comment veux-tu qu'il cõ-
 mande quand il n'a iamais sceu
 obeir? Quelle science militaire
 auroit-il appris, à tirer la laine,
 ou à destrousser vn marchād au
 coin d'un bois. Il sera capable
 d'estre chef, cõme toy capable
 d'estre Conseiller. Tu n'as que
 faire pour no^r parler de la guer-
 re, de contrefaire le fol comme
 Solū tu as c'est auantage de l'e-
 stre de ta nature? aussi te pardõ-
 ne-on comme tel tes indiscre-

tions. Apres, quelle vertu trou-
 ueras-tu à ceux qui n'exercent
 que le vice? Ce n'est pas comme
 les Lacedemoniens qui mon-
 stroient l'yvresse de leurs valets
 à leurs enfans pour leur faire ai-
 mer la tēperance, Ils ne veulent
 point deuenir vertueux pour
 l'insolēce des vices de leurs cō-
 plices. Quelle prouidēce entre
 ceux qui n'ont autre reigle que
 le meurtre & le larcin? Quelle
 authoritē pēses-tu dōner à des
 personnes qui n'ont autre créa-
 ce que leur brigādage? Et quel-
 le bōne fortune à ceux qui n'a-
 tendent que la rouē ou le gibet?
 Te voilà deuenu grand person-
 nage de nous auoir trouuē vne
 inuention pour conquerir vn
 autre monde, où les habitās fus-
 sent nez poltrons comme toy.
 Cōserue tes aduis pour ceux de
 ta secte, aussi bien ne veulēt-ils
 auoir nō plus de raison en leurs
 entreprises que toi en tes aduis.
 Quand Moyse pour refrener

la licēce du peuple d'Israël leur vient apporter la loy, il leur cōparut si redoutable, qu'ils ne peurent supporter sa presence ny l'esclat de sa lumière: Tellement que le peuple fut cōtraint de luy supplier de parler à eux avec plus de douceur, à fin que conceuāt mieux ces preceptes, leur iniquité print fin par la fin de leur espouuancement, & par le cōmencement de sa douceur. Moyse qui ne veut perdre ny escarter ce peuple de la cognoissance de la verité, se retire dans l'arche, ou dépouillāt ceste grāde splēdeur qui le faisoit craindre, rassure le peuple, & leur cōmunique plus familièrement la loy: Ainsi quand le Roy voulut mettre vn frein à l'insolence de ses subiets, il y vient armé de foudre, d'esclair, & d'orage pour leur imprimer par force ce respect qu'ils sembloient desdaigner: Mais le peuple ne pouuāt plus longuement souffrir les

coups de sa iustice colere, le suppliét de se communiquer à eux, avec plus de misericorde: Donc pour ne les eslongner de son auctorité, se retire à cest arche de la Paix, où despoüillât ceste force & ceste valeur qui les auoit estonnez, leur fit entendre ses ordonnances avec moins de peine & plus de fruit.

Rebeca femme du Patriarche Isaac sentant vn cōtinuel diuorce dās son ventre entre les deux enfans dont elle estoit enceinte elle disoit, que s'ils vouloient cōtinuer leur debat qu'elle eust esté bien-heureuse de n'auoir point conceu. La France espouse ce de grand Pōrentat Henry 4. voyāt vne guerre assiduë entre les enfans qu'elle nourissoit dās ses entrailles, crioit qu'elle eust esté bien-heureuse, si elle n'eust pas mis au monde des enfans tant seditieux.

Dieu mesme defendit qu'on n'eueillast point son espouse, si

elle estoit endormie, tant que luy mesme l'esueilleroit: Je pense que le Roy te fait vne deffence de n'eueiller pas la Paix son espouse, mais plustost de l'endormir comme vn enfant par les agitations du berceau, tant que luy mesme la resueille. Car ainsi que la nourrice est pl^o capable de remedier aux defaultz naturels de son nourriçō, pour l'auoir visité de plus près, que ceux qui ne le voient que par la ville: Le Roy est plus propre à remedier aux playes de sa France, pour auoir espluché les plus secrettes causes de son mal, que toy, qui indigne d'en sçauoir la maladie, ne peux estre admis en la guerison.

D'ailleurs quād le Roy se voudroit dispenser de telles sollicitudes, il a des personnes de creance qui reçoient le mot à l'oreille, de qui on peut attendre vn remede plus asseuré. Quand vne fontaine ne fluë point, les

Maistres Fonteniers ont le soin d'aller iusques à la source pour mieux iuger de ce qui retarde la courte, ou qui infecte le ruisseau : Les Conseillers du Roy, ont la charge quand les loix sont violées, d'auiser qui est le premier moteur de ceste rebellion, à fin de iuger plus sainement sur qui on en doit imposer la peine, ou pour qui composer le pardon.

Voilà pourquoy le Roy aiant espousé la Paix, femme legitime de son repos, ne la doit repudier pour receuoir la Guerre qui concubine indigne de la societé d'un si grand Prince, le priueroit des benedictions d'un mariage si tranquille: veu mesmes, que comme la recheute aux maladies est dangereuse, les guerres trop souuent esmeuës contre vn mesme ennemy, luy enseignent la facilité de se defendre.

Le ciel ayât aussi fauorisé ses

desseins, il n'en doit rechercher
 la disgrâce, car la fortune est cō-
 me ces Courtisanes, si elle nous
 fait les doux yeux, c'est souuent
 pour nous destruire. Le Ciel se
 lassa de fauoriser Cyrus, & la
 fortune pour plus grāde preu-
 ue de sō incōstance, le fit tōber
 en la puissance d'une femme in-
 digne d'une si riche despouille.
 Pourquoi veux-tu donc que
 son bon-heur luy donne plus
 d'enuie quē de vie, quand vn
 Prince pour estre plus puisāt,
 n'en doit estre plus vindicatif,
 biēqu'il soit de cegenereux tige
 de Bourbon, dont arebourjōné
 des petits reiettōs qui promet-
 tent bien de vaincre & de par-
 donner tout ce qui attētera ou
 trēbuchera sous leurs Empires?
 Mais cōme ennemy du repos
 public en veux-tu descouurir la
 racine pour n'en point veoir re-
 uerdir les brāches? la raison doit
 tousiours estre le precepteur du
 Prince, pour luy faire prendre
 les

les armes pour la protection de
 ses ſuiets, & les mettre bas pour
 ne dōner d'ōmbraĝe à ſes voiſins:
 Ses bons ſucces ne luy doyuent
 faire quitter le certain, pour ain-
 ſi qu'Alexandre ſe contēter de
 l'eſperance. Medias eſtoit indi-
 gne de la faueur qu'il receuoit
 des Atheniens, luy faiſant por-
 ter ſon bois dans leur galere ſa-
 crée: Auſſi es-tu incapable de la
 courtoisie des Muſes, qui por-
 tent tes paſſions dans les ſacrez
 cayers de leurs arts. Le Roy no-
 ſtre Scipiō a par ſes armes cou-
 ronnē ſon chef de tant de tro-
 fées, qu'il n'eſt plus beſoin qu'il
 combatte pour en acquerir, &
 vn Roiaume ſi puiſſant qu'il ne
 doit plus ſe pener pour l'accroi-
 ſtre. A la fin des repas les Roys
 & les Princes ont accouſtumē
 de prendre de l'anil, de la pou-
 dre digeſtiue, ou des quatre ſe-
 mences, pour appaiſer les fu-
 mées, aſſoupir les vapeurs, &
 cuire ce qui ne ſeroit bien di-

geré. Quelle plus heureuse digestion apres l'exercice que le repos, & comme le Soleil ne traualler que pour la trāquilité du genre humain. D'ailleurs le Roy n'est pas si peu occupé pour ralentir les fureurs de ses armes: Il fait des Edicts qui seruent au public, qui soustiennēt sa couronne, & le font aimer & craindre. Aimer de tous ceux qui en espreuēt l'vtilité: Craindre de ceux qui en voudroient canceler la valeur. Meilleures encores estoiet les instructions des Romains, quand ils couronnerent d'Oliue la Vestale qui auoit sceu ralumer leur feu, pour nous enseigner que celuy est digne de la vraye couronne, qui par vne paix restablie deliure plustost le peuple des frayeurs & soupçō: par ce que les victoires ordinairement sont menacées de desroutes, & si bien acceptées, que le coust en doit faire perdre le goust. Voilà pour

quoy i'estimeray sage ceux qui
 espargneront le sang de leurs
 voisins, pour espargner celuy
 de leurs suiets, & non pas se jet-
 ter sans consideration, & le plus
 souuent sans suiet, à des guer-
 res qui n'apportent que desola-
 tion & repenty: où ceux mesme
 qui la conseillent les abandon-
 nent au premier reuers qu'ils
 reçoient de la fortune. Telle-
 ment que c'est pour telles gens
 que parle Ouide,

*Dum iuuat & ridet, vultu for-
 tuna, sereno*

*Qui mecum velles currere primus
 eras*

*Sed quia contraxit vultum fortu-
 na, recedis*

*Auxilio postquam scis opus esse
 tuo.*

*Quand la fortune estoit à mes
 vœux fauorable,*

*Tu venois le premier à m'estre se-
 courable:*

*Mais par ce que ses yeux se recu-
 lent de moy*

*Tu me quittes, ſçachant que i'ay
beſoin de toy.*

Tu nous veux tellement precipiter à la guerre contre les Eſpagnols, que tu ne nous donnes pas le loyſir de nous pourueoir des choſes neceſſaires à vne telle entrepriſe. D'ailleurs, ie craïs d'autres frontieres auſſi dangereuſes que la Nauarre, la Flandre, ou la Franche-Comté.

Qu'elle ſeureté d'auoir vn reuolté à noſtre porte qui ne demande qu'vne occaſion de ſe faire deſirer, & qui eſtendroît volontiers la peau du Renard ou celle du Lion ne peut atteindre: qui durât qu'il tenoit ſes aduantage de la Couronne à bien oſé entreprendre contre l'Eſtat, maintenāt donc qu'il en eſt déclaré ennemy, n'eſt-il pas plus à craindre, qu'il n'eſtoit au temps de ſa diſſimulation: Si du moins on ne le redoute d'auantage, pour eſtre deſcouuert, ſi doit on prendre garde de plus pres qu'il

ne s'establisſe à noſtre domma-
ge. Il n'eſt pas ſi petit compa-
gnon, que ſes alliances eſtrāge-
res ne lui facent hauſſer le ſour-
cil, & ne lui donnent enuie d'aſ-
ſeurer ſa vie: Car les maximes
du Dragon ſont de ſ'enſeuclir
pluſtoſt dans les ruines de ſon
ennemy, que d'en attendre le
choc: par ce que l'aſtuce ne ſert
plus de rien au Renard aſſiegé
dans ſa taſniere.

Quelle ſeureté encores d'at-
tirer les forces du Roy contre-
la Nauarre, & laiſſer ceſte ſenti-
nelle pour deſcouvrir noſtre
faute & nous payer de repentir:
voir la Champagne & toute la
Frāce à la merci d'un deſeſperé:
qui pour ne pouuoir pallier ſa
coulpe par ſon bien dire, ſeroit
content de l'accroître par ſon
mal faire, & de ſe ruyner pour
no^r troubler. Ie ſçai aſſez qu'un
Moucheron ne peut rien cōtre
un Elephant: ſi eſt-ce que le Ri-
nocerot ſçait prendre le temps

pour tuer son ennemy: vne Souris mesme osa bien mordre Brastidas. Il est vray que ie conseille plustost encores qu'on luy pardonne (si le conseil iuge vn traistre digne de pardon) que de luy faire la guerre, non pour estre partisā de son crime, mais pour ce qu'il ne seroit pas seul chastié cōme seul qui a offensé. Le peuple innocēt souffriroit pour le coupable. Le Roy mesme n'est pas vn Cyrus, pour dire que la mort des hommes luy soit vne chasse ordinaire. Mais plustost vn Auguste qui ayme mieux l'amitié de ses voisins q̄ leur sceptre, veu mesmes que les amis iouyssent de la fortune de leurs amis.

Tu blasmes les exercices du Roy qui luy sont ordōnez pour la conseruation de sa santé: Te veux tu dire meilleur mesnager de sa vie, que ces grāds personnages la Riuiera & du Laurent qui si fidellement s'estudient de

luy prolonger, où proditoirement tu luy veux racourcir? Si c'estoit vn Loys II. (en superstition) tu lui ferois croire volontiers, que tu luy es si necessaire, que ta presence ou ta crainte est la trame de sa vie; à fin que comme le Medecin de celuy-là, tu t'enrichisses de ses ombrages. Alors possibles que tu serois gorgé en loup des viandes du Pasteur, & laisserois le troupeau en seureté & en paix: Car i'estime que tu ne demandes de troubler l'estat, que pour seigneurier en Tyrā quelque peuple (le butin de ton auarice) sur qui tu peusses exercer sans reprehēsiō toutes les sortes de tyrannies que tu proposes, ne voulant pour guide de tes actions autre vertu qu'une Penelopé qui deçoit ceui qui l'ont receu, ou vne Medée qui faict mourir par tyrānie ceux que son amour auoit mis au monde. Aymant d'estre cōmandé par tes vices en com-

mandant vn peuple soubs-mis à ta cruauté. Ce seroità lors que comme le Paon tu ferois parade de ta vanité, & qu'estalant aux yeux du monde les miroirs de ta perfidie, tu n'aurois pas loisir comme le Paon de regarder tes pieds tant tu serois aueuglé de ta passioñ & de tes fastes? Tu croirois que la destructiõ des hommes seroit vn sacrifice digne de ta lâcheté: & que faire jonchée de tes voisins & de tes subiects, seroit vn moyé d'assouuir ta rage, d'amortir ta fureur, iusques à tant qu'une autre Tomiris fit baigner ta teste dans vne cruche de sang pour te saouler de sang en main.

Noël pour euitier les orages & les flots du Deluge, se renferma dans l'arche avec toute sa famille, mais apres que les eaux furent retirées il en sortit pour respirer vn air plus doux, & n'y voulut iamais rentrer, quoy qu'on luy persuada. Le Roy pour resi-

ster au choc & aux assauts tāt de
 partialitez se mit dans ses armes
 & maintenāt qu'il les a quittez
 pour respirer vn doux Zephir de
 Paix, il ne les veut pas reprēdre
 pour conseil que tu luy en don-
 nes, car ce n'est pas ce Tyran de
 Siracuse que tu veux qu'il imite
 de qui la vie soit ennuyeuse à ses
 subiects pour se la donner plu-
 tost que d'abandonner vne ille-
 gitime ambition: Ses premieres
 actions ont trop resmoigné de
 iustice, pour aller contre sa foy
 iurée attaquer par les armes ce
 qu'il doit esperer de son droict.
 C'est toy qui ressemble au Stoi-
 que Planetiades, ta passiō te sert
 de Dieu, qui te fait fuyr le vice
 en apparence, pour le receuoir
 en effect: indigne de viure en
 vn sieclē paisible, où tu veux in-
 troduire nō pas la liberte, mais
 la licence, feignant de vouloir
 agrandir vn Royaume par con-
 quēte, pour le rongner par sur-
 prise: & comme Aduocat mali-

cieusement auarre plaider plu-
 stost pour estre payé, que pour
 faire gagner la cause. Tu veux
 que tout à ceste-heure la Maje-
 sté quite les plaisirs de ses basti-
 mens pour aller où ton iniquité
 le desire. Qu'il chasse en Tigre
 non pas en Roy, que la Flandre,
 la Nauarre, & l'Espagne soient
 ses forests, & les habitâs ses cerfs
 & ses dains: Je croy qu'il lui fau-
 droit bien d'autre Veneur que
 toy pour en réuoir en vn temps
 de grande gelée, & de plus sa-
 ges chiens pour ne point pren-
 dre le chage. Comme limier de
 mauuaise race tu abbayes as-
 sez sur les voyes, mais tu ne re-
 cognois pas quand le cerf ruse.
 Tu prens ces pays-là pour des
 forests, cōme s'il ne falloit que
 des bucherons pour en couper
 les arbres: vne huyée de pay-
 sans, & vne meute de chiens,
 pour en chasser les habitans: Ce
 sont Lions qui defendrōt touf-
 iours l'entrée de leur cauerne.

& qui dechirerōt à coups d'ongles & de dents ceux qui s'avan-
 cerōt de plus près. Au moins si
 le sort romboit sur toy seul, que
 si peu de chose les peut repaistre
 & si peu appaiser leur fureur,
 ce seroit dōmage de tes habits
 & non pas de toy, aussi ven-
 droient-il plus cher la despouil-
 le que le corps. Si ce sont lieues
 comme tu le fais accroire, fais
 vn peu vne chasse pour voir si
 tes abbois leur feront quitter
 leur giste. Ce ne sont pas cerfs
 qui ayant mis bas leurs armes
 s'en aillent cacher de honte, ny
 qui les mettent en lieux si de-
 stournés que la necessité ne leur
 remete en main, mais toy tu ne
 peux ainsi aisément mettre bas
 tes cornes.

Tu ne veux que ces Prouinces
 soient des masures, & les hom-
 mes des pierres propres à faire
 les bastimens de son insolence:
 qu'il ny faille que des maçons
 pour les equarrer & les mettre

en œuvre. Ces pierre-là tombēt
d'elles mesmes sur la teste de
ceux qui en pésent bastir. Quād
tu en aurois desia ressenty le
coup, ce seroit plus de dōmage
qu'elles fussent souillées de ton
sang, que de voir perdre. Enco-
res te conseille-ie que tu les
ailles remuer; & que tu en ba-
stisse ton estude. Il est vray que
tu aymes trop à dormir, tu ne
veux point de reueille matin,
ni entēdre bruit qui te destour-
ne d'escire tes pernicieuses cō-
ceptiōs: Encore pour chose que
ce soit, il te seroit plus honora-
ble de r'en passer, que de faire
voir ta perfidie, & ton ignorā-
ce, en ces inuectiues, & rapso-
dies. Si tu es Soldat, ie te pardō-
nevn si mauuais discours. Si tu
es de la robbe ie te pardonne vn
si mauuais cōseil de guerre. Si tu
es tous les deux ensēble, tu dois
attendre que tu sois capables de
bien obeyr auant que donner
des enseignemens, & qu'on

t'appelle au conseil pour dire tō
aduis: Si tu n'es ny l'un ny l'autre, à quelle occasiō parle le Sauetier de la chauffe: Si tu es soldat, c'est de ceux qui portēt vne espée, & qui vont rençonner les payfans en vne compagnie nouvelle, & qui l'abādōne quād il faut auller aux coups, qui se font balaffrer dans vn cabaret, pour estre Soldat de marques, & voleurs de vacations. Si tu es de la robbe, tu es de ces Aduocats qui ont plus de loisir d'entretenir les marchāns du Palais, & qui ont enuoyé leurs valets prendre leur licēce. En cecy les surpasses-tu, que le Diable ne t'emprtera iamais sans cause? Il me semble que ie vois sous ta soutanne vn sot asne qui demande aux boutiques des cōfidens s'il ny a riende nouueau: & pour tesmoigner sa capacité, comme vn asne ne veut manger que des chardōs, il ne veut que des choses defenduēs. Voila vn Partisan

qui à bien des aduis à donner au Roy, mais ils sont tousiours à la ruine du peuple Voilà pourquoy sa Majesté luy deffend de les eüenter d'auantage, Et M^oseigneur le Chancelier les fait reprouuer comme perturbateurs du repos public.

Qu'as-tu gaigné? des ennemis qui te chastieront tost ou tard de ton insolence. Qu'as-tu fait voir par tes escrits? ton mauuais naturel, de vouloir mettre en proye vn Royaume paisible: Et ton ignorāce, en parlant des affaires comme vn aueugle des couleurs. Quand il seroit loisible de porter nos armes contre l'Espagne, il faudroit faire moins de bruiet & plus d'effect: Il faudroit comme les Oyes saunages trop babillardes, porter vne pierre en la bouche pour mieux couvrir nostre entreprise. Tu monstres en cela que tu ressembles aux pies, tu ne sçais que jaser; selon que ta passion te peut

prendre, & non pas comprendre les moyens d'exécuter ce que tu penses.

Il n'est pastoufiours deshōneſte de ſurprendre ſes ennemis, ny honorable de les defier auāt que de les combattre. Nous ne combattons plus contre des Fabrices, qui aimēt mieux hazarder leur perſonne & l'Eſtat de leur Republique, que d'acheter vne victoire illegitime. Maintenant ceux qui ſçauent le pluſtoſt deceuoir, ſont les pluſtoſt victorieux: on cōbat auſſi ſouuent par argent que par armes: Auſſi n'i a-il plus de places imprenables où il peut entrer vn muſet chargé d'argent. Bref il vaut mieux eſtoufer les maux en leur ſemécé (cōment que ce ſoit, que de les laiſſer ſi biē germer, qu'on ne les puiſſe abbatre en fleur. Dion de Siracufe ne deſia point Denis le Tyran, il ſe ſeruit de ſoneſpée pour le chaſſer, & non de ſa plume pour lui

escrite des menaces. Les grands
 exploits ont le moins de mena-
 ces & plus de surprises. Luculle
 n'aduertit pas Tigranes qu'il a-
 uoit fait passer de ses soldats par
 des destroits d'une montagne
 pour le surprendre: & s'il ne
 pourfuiuit Mithridate, ce ne fut
 tant pour luy donner loisir de
 s'armer, que pour le tirer hors
 des lieux inaccessibles où il e-
 stoit, en voicy son excuse, Car
 c'est le point (ce leur disoit-il) auquel
 ie tends & qui me fait ainsi amuser
 & sejourner çà & là, ne demandant
 autre chose sinõ qu'il se puisse vne au-
 trefois faire sort & remettre ensemble
 vne seconde armée, qui luy donne la
 hardiesse de se trouuer encore deuant
 no^s en bataille, & de ne fuyr plus. Ne
 voyez vous point qu'il a à son dos vne
 infinité des pays deserts où on ne pour-
 roit iamais suyre à la trace, & tout
 aupres de luy le mont de Caucasus, &
 plusieurs inaccessibles, qui sont suffi-
 sans pour receler & cacher non luy
 seulement, mais autres innumerables.

Princes & Roys qui vouldroient fuyr la lice, & ne venir point au combat: d'auantage il y a peu de iournées de chemin depuis la Prouince des Cabreniens iusques au Royaume d'Armenie, là ou est de seiour Tigranes le Roy des Rois, qui à la puissance si grande, qu'il deboute les Parties de l'Asie, & transporte des villes Grecques toutes entieres iusques au Roiaume de la Medie, qui tient toute la Sirye & la Palestine, qui a occis & exterminé des Rois successeurs du grand Seulencus, & à emmené par force leurs femmes & leurs filles en captiuité. Ce grand & puissant Roy est allié de Mithridates, comme celuy qui a espousé sa fille, & n'est pas vray semblable que quand il l'ira humblement requerrir de luy donner secours en son extrême neccessité, l'autre soit pour l'abandonner: ains plustost à croire qu'il prendra la guerre contre nous pour le deffendre: ainsi en nous cuidant haster & chasser Mithridates, nous nous mettons en danger d'attirer & prouoquer vn nouuel ennemy.

Tigranes, qui de long temps ne cherche autre chose que quelque occasion apparente de nous faire la guerre, & il n'en scauroit auoir de plus honneste apparence, que de prendre les armes pour deffendre d'extreme ruyne vn Roy son voisin & son allié si proche, ayant esté contrainct de se jeter entre ses bras. Quel besoin doncques est il que nous mesmes procurions cela, & qu'enseignons à Mithridates ce qu'il n'entend pas, a qui il doit recourir pour lui aider à nous faire la guerre, & que nous le poussions, ou que pour mieux dire, nous le mettions avec nos propres mains en voye d'aller requerir secours à Tigranes, ce qu'il ne fera iamais de sa volonté, s'il n'y est necessairement contrainct, estimât que ce luy seroit deshonneur. Ne vaut il pas mieux que nous lui donnions le temps & le loisir de rassembler vne autrefois les forces de son Royaume, & se remettre sus, à fin que nous combattions plustost contre les Colchiens, Tibareniens, Capadociens, & autres tels peuples que nous auons desia

*battus tant de fois, que contre les Me-
dois & Armeniens?*

Pour ceux qui doiuent seuls combattre leur ennemi, il seroit deshonesté d'vser de supercherie: Cela n'appartient qu'à ceux qui les redoubtent, & qui ont plus de brauades que de courage: Mais quand à vne guerre où il est de besoin que plusieurs restes en fassent vne, on ne scauroit vser de trop d'artifice pour la garâtir. Ces humeurs me semblent trop douces qui ne veulent attaquer leurs ennemis en cachette, que leur cartel n'ait deuanté leur combat: Et bien qu'ils aient les Achayens pour exemple, qui n'eussent pas voulu vaincre par stratagemes, n'estimant la victoire honorable si le combat n'en estoit assigné: Si est ce que le plus digne triomphe est quand les ennemis se tiennēt pour vaincus, & qu'ils louent vostre bon-heur en confessant leur hôte. Aussi ne croi-

je pas que ceux qui sont deffaits
 par surprise ayent plus d'enuie
 de se remettre sus pieds, que
 ceux qui le sont par le force.
 L'experience est plus à craindre
 que la valeur? Que cela remette
 le courage au vêtre des soldats
 cela peut estre, qu'ils donnerōt
 la coulpe à leur chef, pour n'a-
 uoir preueu aux embusches?
 Mais que pour cela ils aiēt plus
 d'enuie de reuenir aux mains a-
 uec eux, nō: par ce qu'un mesme
 victorieux (comment qu'il soit)
 est tousiours redoutable aux
 vaincus. Quand la foy n'est point
 engagée, la victoire est legitime
 ou quand elle ne s'obtient au ra-
 bais de la dignité d'un grād Prin-
 ce. Que pour cela elles courent
 risque, nenny. La deception est
 vne des experiences de la mili-
 ce, la foi n'ē peut estre blasmée,
 ny la dignité amoindrie. En vne
 guerre toutes les voyes sont li-
 cites, puis que c'est cōbatre son
 ennemi: mesme on s'y peut ser-

nir des trahisons, & non pas des traistres. C'est le but de perdre son aduersaire, il en faut donc rechercher l'occasion, & non pas attendre, qu'en luy pensant dōner eschec, il nous dōne mat. Si l'on ne cōbattoit & n'abattoit ses ennemis que par voye ouuerte, on en pourroit regretter la victoite. Il vaut mieux hazarder de l'argent à la prinse d'une ville, que les hommes. La perte d'un Cavalier est plus regrettable que celle d'un thresor.

Voilà pourquoy on ne se doit pas foudier de vaincre par trōperie, puis que par tels moyens nous sauons la vie à un million de personnes, dont la moindre feroit faute à l'Estat. I'entends desia des superstitieux qui aimeroiēt mieux courir fortune que de triompher par artifice: Ils veulēt espargner leurs ennemis & perdre leurs amis: lequel est plus loüable de chercher l'aduantage de ceux-là ou de ceux-cy:

c'est comme ceux qui se font si gens de bié qu'ils ne voudroient pas abuser vn homme de quoy que ce fust: & voudroient bien abuser de sa femme: C'est proprement ieusner de pain, & non pas de chair? Les Veneurs enseignent à faire la guerre aux hommes, comme ils font aux bestes, d'en prendre les vnes par force d'armes, les autres par subtilité, comme eux qui en courent aucunes à force, aux autres ils tendent des pieges & des lacs pour les surprendre: il faut rompre l'ennemy de quelque costé que ce soit? Aussi croy-je avec Brasidas, que les larcins de guerres, par lesquels les ennemis sont deceuz, & les amis assiste, sont dignes de grandes louange: & avec Polibe, que les effets de la guerre qui s'executent ouuerte ment sont moins louables que ceux qui se font avec l'occasion & par fraude. Les Romains si religieux en fait de reputation,

se seruoient bien de ces voyes là
 qu'ils adoucissoient aucunemēt
 en desguisant ce mot de fraude,
 du nom d'industrie: Bref, de til-
 tres differents ils en tiroient vn
 mesme effect. Les Partes auoiēt
 coustume de ruiner leurs enne-
 mis par embusches, & eussent li-
 bremēt perdu leur foi pour les
 perdre. En cecy estoient ils bar-
 bares infidelles, & en cela guer-
 riers aduisez. Les Tartares, bien
 qu'ils soient en grand nombre,
 font vne saillie furieuse & vne
 retraite soudaine, & prēne l'o-
 casion, ou de cōtinuer leur fou-
 gue à la ruine de leurs aduersai-
 res, ou de minuter vne retraite
 à leur aduantage. Ceux qui met-
 tront en jeu les Achayens pour
 leur seuerē obseruance en la
 milice, ie leur allegueray les La-
 cedemoniens, qui mis à la balā-
 ce, soit pour la grādeur de cou-
 rage de vertu, ou de fortune, ne
 se trouueront les plus foibles:
 car nonobstant leur valeur dont

tout le monde est d'accord, si
 estimoient-ils qu'une executiō
 d'esprit & de raison estoit plus
 loüable, qu'une autre faicte par
 force ou par violence. En tes-
 moin dequoy leur chef ayant
 vaincu par industrie, immoloit
 vn bœuf à son retour à Spartes.
 Et celui qui auoit triomphé par
 armes, sacrifioit vn coq, pour ré-
 dre la victoire esgale à la chose
 pareux executée. Pour les duels
 ie ny demande point d'auanta-
 ge, & ne desire point que l'on
 s'y précipite? Les noies priuées
 doiuent estre apaisées par la
 douceur, & non pas vuidées par
 les armes: Il ont tousiours quel-
 que particularité qui se peut
 traiter à l'amiable, & aussi facil-
 le à finir en Paix, qu'à commen-
 cer en pontille: Les Rois ny les
 Princes ne les doiuent point souf-
 frir, celuy qui les inuenta estoit
 las de commander aux hommes
 gouuérnez par la raison: Il vou-
 loit commander à des bestes que
 l'ap-

l'appetit fait courir à la végeance. Mais en vne guerre iustement nécessaire, il ne faut pas differer pour crainte d'en estre blasmé. Non que ie conseille iniquement qu'on le face empoisonner, ou qu'on marchande sa mort par vn de ses fauoris. Alors seroit-ce vne pure fraude, & non plus industrie. Car c'est vne chose meschante de tromper iniustement ceux avec qui on a contracté? Mais contre les ennemis il n'est pas seulement hōeste, mais encores est-il profitable. Si l'on vouloit estre si exact que de ne prendre autre aduantage sur les ennemis que celui que le bon-heur donneroit, il faudroit dōc estre esgaux en nombre d'hommes, en Capitaines experimentez, de pareilles hauteur, d'égale force, & de mesme courage.

Voilà en quoy tu tesmoignes ton ignorance, ta malice & ton peu d'experience, de publier la

guerre auant qu'on la prepare,
 resoluë, & qu'on aduise quand
 & comment il la faut faire? C'est
 donc assez prouué comme im-
 prudément tu hazardes la per-
 sonne du Roy: Disons encores
 cōme tu es ennemy de son au-
 thorité. Les Roys doyuent vser
 de leur puissance avec modestie
 n'espouler par toutes les factiōs,
 ny defendre tous les factieux: Il
 y a des choses qu'ils doiuent ac-
 querir par la douceur, d'autres
 par la force, mais toutes par la
 vertu. Ainsi qu'un vigilant pré-
 cepteur qui enseigne ses disci-
 ples aucuns par flaterie, les au-
 tres par contrainte, selon qu'il
 iuge leur humeur estre disposée
 aux lettres: Les Princes doiuent
 enseigner leurs loix par blandi-
 ce aux vns, & aux autres par vio-
 lence. Premieremēt l'authori-
 té consiste à estre bien obey: à la
 guerre il faut le plus souuēt ce-
 der à l'occasiō: à la Paix les Roys
 n'ont point de compagnons, la

douceur du langage est requise au Prince pour s'autoriser; car on donne bonne impression de soy mesme, mesme quand on use de parole affable: En la guerre il faut tonner crier, menacer: En la Paix, on carresse, on flatte, on promet chose qui augmente la creance & l'autorité. Il semble que les Rois doiuent viure avec leurs subjects, comme les peres avec leurs enfans. Leur hōneur n'est pas auilly pour estre officieux de parole & d'effet. Il faut bien porter ceste marque de Supérieur, non qui resente plus son austerité, qu'autorité. Qui est le Prince tant courtois, qui ne soit contraint en la guerre de faire mauuais visage, & rudoyer ceux qu'il traitteroit humainement en la Paix? Alors luy peut on reprocher qu'ō l'honore par crainte. En la guerre il faut souuentes-fois se faire compagnon à force petit monde de qui on tire vn grād seruice: Ainsi vous,

dira-on qu'on vous ayme pour
 vostre humilité: en la Paix au cō
 traire on ne se familiarise qu'a-
 uec ceux qui ont quelque tiltre
 plus voisin de sa grādeur? Mais
 on y peut faire paroistre ceste
 douceur, en gouuernant tout le
 monde avec moderation, à fin
 de le rēdre plus aité à regir: Tou-
 tesfois il est necessaire de pren-
 dre garde au climat & aux hu-
 meurs des persōnes, par ce que
 beaucoup ne peuuent endurer le
 ioug, d'autres n'en veulēt rece-
 uoir: Pour ceux-là la seureté est
 dangereuse: Pour ceux-cy est v-
 tile. Aussi n'est il pas honorable
 au Prince de vouloir asseruir
 ceux qui sont nez pour obeir ni
 maiestueux, de lācher les res-
 nes à ceux qui sont assujettis à
 son autorité. Ainsi recognois-
 sant le naturel du peuple, il faut
 se resoudre de les regir. On o-
 beyt plus volontiers à celui qui
 commande doucement, qu'à
 celui qui vse de violēce, & plus

fidelement? car lors mesme que tout est enflâmé par la guerre, les subjets n'en diminuent leur fidelité, pour crainte qu'ils ayēt des cruautez qui s'y exercent, pour estre seulemēt gouuernez avec modestie. Je suis de l'aduis de Cæsar, qu'une puissance mediocrement exercée conserue facilement tout ce qu'elle à cōquis: Au contraire celuy qui abuse de son autorité, ou particulierement, ou énuers tous, ne rencōtre iamais vne vraie bienveillance, ny vn ferme establissement.

En cecy donc te monstre-je bien cōme tu hazardes l'autorité du Roy de luy vouloir procurer vne guerre où il n'auroit pas le loisir ny l'occasiō de gouerner son peuple selon son inclination. Et que le forçant par des necessitez, il ne seroit si dignement seruy qu'il le merite. Ce n'est pas tout encores es-tu plus ennemy de sa Iustice? La

guerre dōne ce priuilege aux se-
 ditieux de se venger de son en-
 nemy sans crainte qu'il en soit
 repris, où en la paix la crainte de
 la punitiō retarde sa malice. Vn
 petit vagabond comme toy fe-
 ra receuoir vn affront au plus
 grand d'un Senat, à qui mainte-
 nāt les plus grāds font de l'hō-
 neur? Vn meschant vsurpera le
 bien de son voisin & iouyra sans
 rendre contē, où a ceste heure la
 Iustice rend à chacun le sien, &
 chastie les vsurpateurs de patri-
 moine? Les plus dignes du Senat
 n'oseroient condāner le moin-
 dre soldat, fust-il aussi scelerat
 que toi, tant la violēce & l'insō-
 lence de la guerre est redouta-
 ble: Et maintenant le moindre
 Sérgent ira porter vne sentence
 criminelle au plus redouté?
 Toutes sortes de meschancetez
 se cōmettront au des- auantage
 de la Iustice, & l'exēple de ceux
 qu'on chastie empesche les des-
 seins des plus perfides: si ce n'est

de toi seulmēt qui bien que tu
voies punir les medifans, si ne te
peux tu empescher de mesdire.

Tu iniuries ces pauvres Iesui-
stes qui ont apporté tāt d'vtilité
au monde, & en la defence de
la religion, & en l'instruction
de la ieunesse. Tu les veux chas-
ser du Royaume, & le Roy les
veut aupres de sa personne: tu
en blasmes la doctrine, le Roy
l'escoute: tu en defends la con-
uersatiō, le Roy la desire: tu cō-
seilles qu'ōdemolisse ceste belle
societé, le Roy leur fait edifier des
Colleges: tu en veux chasser les
enfans, & le Roy y en veut faire
nourrir de sa nomination: tu
leur veux oster la vie, & le Roy
leur donne son cœur, & son ef-
figie: tu les appelles assassins:
mais n'estoiētce de ceux de ta se-
cte, ceux qui par deux fois ont
voulu assassiner le Pere Cortō,
vne à Grenoble par vn Anciē; &
l'autre à Paris par des incōgnus.
Et pourquoy tout cela, pour

enuie que tu porte à son meri-
 te? Iadis Catilina pour mieux
 faire reüssir sa coniuratiõ auoit
 enuoyé de ses complices pour
 tuer Ciceron, sçachant bien
 que luy viuât il ne pourroit de-
 ceuoir sa vigilâce. Ainsivoulois
 tu faire meurtrir ce bõ Pere qui
 pour son eloquéce en sera iugé
 pere comme Ciceron, & pere
 de la Religion comme veillant
 nuit&iour à sa liberté, aussi bié
 que Ciceron fut appellé Pere de
 la patrie, pour auoir veillé à son
 salut? Pour toutes les autres in-
 uectiues que tu prononces cõ-
 tre eux, ie ne veux faire autre
 responce. Ce te feroit donner
 occasion de cõtinuer tes impo-
 stures, & faire tort à la docte plu-
 me de Richehõme, qui ma pre-
 uenu en merite&en téps. Tou-
 tesfois si ne mē puis-je pas tai-
 re de d'entredre passionnément
 louer Arnaud&Dolet pour leur
 auoir esté contraires. Ils ont de
 la capacitévoiremēt, mais qu'ils

deuancēt tous les autres Aduocats, le Duc de Sauoye ne le iugea pas en la cause du Boulēger où Robert emporta le prix? Que cela soit dit sans les offēcer, puis que mon dessein n'est que de te reprendre, & apprendre la verité des choses. Voila pourquoy tu demādes la guerre pour euitter, ou plustost differer (car les mēchās trespuchēt à la fin sous la loy) le supplice & la rouë que tu merites, cōme ennemy du repos de sa Majesté. Tu veux dōner ta passiō pour but de ton courage? tu te fasches de le voir iouyr paisiblement des triōphes que sa valeur lui fit acquerir? tu luy proposes la guerre pour cōtinuer les fatigues qu'il espousa dēs le berceau, & ne veux pas qu'il donne quelque trefue à sa proüesse? Miserable que tu es! pour assouuir ta perfidie, tu veux qu'il hazarde sa persōne? & pour lui dōner quelque enuie d'excuter tes desseins, tu appelles oi

siueté, ce doux repos qu'il a dō-
 né à ses subiects? comme si vn
 Prince magnanime tel que luy,
 ne tesmoignoit ses vertus que
 par le trenchant? & non contēt
 de lui procurer des inquietudes
 comme ialoux de sa reputation;
 tu blasmes ceux que tu luy veux
 faire combattre? Quelle gloire
 peut-il esperer de triōpher des
 personnes dont tu lui fais si peu
 de conte? ne sçais tu pas que le
 Lyō ne cōbat que les animaux
 qu'il estime dignes de sa colere?
 que l'Aigle ne veut chasser aux
 mouches, que le Leopar ayme
 mieux se precipiter à la mort,
 que faire vne amour indigne de
 son ambition; que la Licorne se
 blesse elle mesme plustost que
 d'assaillir vn moindre qu'elle? Il
 n'est donc pas honorable à sa
 Majesté devenir aux mains avec
 ceux(qui comme tu dis) n'ose-
 roient attendre le choc de ses
 armes? Il vaut bien mieux, qu'il
 les laisse en paix, en conseruant.

l'honneur qu'il à sceu acquerir
 aux despens des plus redouta-
 bles, que de l'amoindrir par vne
 victoire si facile? ô Soldat teme-
 raire! indigne de parler des Rois
 puis que sous pretexte de leur
 desirer de la gloire, tu leur en o-
 ftes? Donnons luy cest ennemy
 general du nom Chrestie, com-
 me digne de sa fureur, sās l'atta-
 cher à des Princes, dont la def-
 faire ne luy seroit agreable. Cæ-
 sar se fascha de ne pouuoir obli-
 ger Pompée, & eut quasi voulu
 n'estre pas victorieux, puis qu'il
 ne pouuoit vser de sa victoire?
 Les courageux sont bien aises
 d'auoir vne occasion de tesmoi-
 gner leur clemence: Aussi est-ce
 vn effect de pusillanime de dé-
 faire à platte cousture ceux sur
 qui on à quelque aduantage. Il a
 plus d'honneur de se contenter
 d'auoir vaincu, que d'en vou-
 loir par vanité demāder le triō-
 phe, ou par tyrannye la defai-
 cte & la mort. Ceux qui com-

me le Casserons portent tous-
 jours vn cousteau, & n'ôt point
 de cœur, sont insolens au moin-
 dre bon visage que la fortune
 leur donne. Mais le Roy qui
 n'eut iamais de fiel à bien sçeu
 vaincre & pardonner en vne mes-
 me rencontre, par ce qu'il sçait
 bien que quiconque se rendra
 son ennemy, qu'il luy sera tous-
 jours aisé de le dompter? C'est
 vne espee de frayeur & de mé-
 fiance de soy, de s'asseurer par la
 mort de son ennemi. Tu serois
 de ses insolens victorieux (Sol-
 dat, tyrannique) qui pour crain-
 tre d'un secōd combat, voudrois
 tuer ton aduersaire? Il me sem-
 ble t'entēdre desia fulminer cō-
 tre moy, mais tu ne sçauois per-
 dre par les menaces de tes armes
 celuy que tu n'as sceu acquerir
 par les blādices de tes escripts: Et
 brauaches que tu es, tu n'auras
 non plus de courage pour m'e-
 ftonner, que tu as de charmes
 pour m'arrester à ton opinion?

D'ailleurs tes traits auront aussi
 peu de iustice pour m'offencer.
 que tes escrits ont de iustice
 pour me conuaincre? tu pour-
 rois bié auoir la fureur du Lion
 en tes paroles, que cela n'empes-
 cheroit pas que tu ne retinsses
 les laschetes d'un aigneau en tes
 effectz? & puis ie fais telle cou-
 stume de battre tes semblables,
 que ie fais bien peu d'estat d'en
 estre menacé? ta valeur ne me
 fera iamais craindre? tes coups
 comme la gresse sur les thuilles
 fôt plus de bruit que de mal? Ce
 ne peut estre tō bié dire qui me
 cōtraigne, tes enchâtemens cō-
 me toille d'araigne sont plustost
 rôpus, qu'ils ne peuuent s'estēdre.
 Ce seroit vn double miracle si
 tu me pouuois veindre? tu de-
 uidrois vaillāt soldat & eloquēt.
 Orateur, mais ton espée ne me
 peut donner la mort, ny ta plu-
 me la passion? En cecy tes pas-
 sions suiuront tes auātures: car
 la raison & la verité ont de trop

fortes racines en mō ame, pour croire plustost à tes discours qu'à mō inclinatiō. I'ay trop biē engagé mes volontez au biē du public pour m'en distraire, & trop fidelemēt arresté mes pensées à la grandeur de sa Majesté pour les en destourner? Le chāgement seroit bien extreme, si maintenant que ie reprouue tes escrits, ie venois à les approuuer? Encores que les choses violentes ne soient pas de durée: si estce que ie suis si resolu à la paix qu'il ne me prédra iamais enuie de conclure à la guerre. Ce n'est pas que ie face le rodomont cōtre vn absent, pour pallir en sa presence: ie me sçauois toujours biē defendre & d'espée & de plume? Pour les armes, tu ressembles au Taïsson, tu voudrois mordre en fuyant? Pour le discours, ta langue est plus propre à inuenter des calomnies, qu'à defendre des raisons? Les gēs de bien pourrōt sans passion iuger

par nos escrits de mon integri-
 té & de ta perfidie. A la verité si
 ie me soubmertois à tō opinion
 il seroit raisonnable que tu me
 traites aussi rudement, que diffi-
 cilemēt ie meveux rendre, pour
 y estre plustost attiré de force
 que de volonté. J'aime mieux te
 cōseiller en amy, que de te cha-
 stier comme tu merites. En ceci
 i'imiterai les Perses, ie frapperai
 seulement sur ta robbe, pour te
 donner vne legere correction.
 Reprends tes esprits, & n'armes
 plus tes desirs cōtre nostre trā-
 quilité. Cōtente toy comme la
 Victime eschappée, d'auoir esté
 vne fois en butte à nos passions,
 sans te sacrifier toy mesme à tes
 appetits. Ne nous perd pas pour
 le gain d'autrui, & ne nous dōne
 plus pour prix de leur cōqueste.
 Ne no^r fais voguer en mer trou-
 ble, il n'est pas plus necessaire
 d'aller que de viure ? laisse nous
 attendre le calme, Cesar & sa for-
 tune est à bord: laisse nous pré-

dre la raison pour estoille, à fin
 d'euitier le naufrage. Ne sois tel-
 lement aueuglé de tes passions,
 & ne leur donne tel aduātage,
 que tu ne te puisse deffendre de
 leurs astuces, & destourner de
 leurs embusches? Mes remon-
 strāces sont le vrai antidot qu'il
 faut pour ton cœur empoison-
 né. Tu n'en veux vser que pour
 estouffer nostre repos, encore
 que ie ne te les die que pour le
 voir croistre? Tu sçais biē iuger
 du mal & du remede: mais com-
 me vn patient flattāt ta douleur
 tu refuse la medecine? Tu n'es
 pas capable de iuger du remede
 necessaire à ton mal, ta passiō te
 faict encliner à son party? Tu es
 partie, tu ne peux estre Iuge? Tu
 fais de mon droict vne iniustice
 & de tō tort vne equité? Desille
 vn peu tes yeux, & preste l'o-
 reille à mes paroles (*en ce sainct*
temps toutes animositez doiuent
estre despoüllées,) & ie te feray
 entendre ta faute par la iustice.

de ma cause. Je t'accuse d'indiscretion, de nous vouloir precipiter en vne guerre, plus volontaire qu'equitable, plus passionnée que raisonnable, & plus dāgereuse que proffitabile. Et tu mets en jeu l'heritage anciē du Roy, la haine que tu porte aux Espagnols, & ta passiō à la ruine de nostre estat. Tes excuses sont bastardes, & mes accusations legitimes? Le Roy ne quite pas ses pretentiōs de Nauarre, pour ne les quereller par armes. Ta haine ne peut estre essouuie qu'à nostre dōmage, & ne peut estre satisfait que tu ne te voie esleué en meilleure fortune. Le Roy aura à l'amiable ce qu'il lui appartient, sans le reprēdre par force ie t'en ay monstřé le traicté au cōmencemēt de mon discours. Tu ne dois haïr les Espagnols qui ne t'ont iamaïs fait desplaisir? & quand ils t'en auroiēt fait tu leur dois pardonner. Le Roy à assez de moyen de t'agrandir,

s'il t'ẽ iuge capable sans le vouloir ẽstre indignemẽt à nos frais Tu dis encores que c'est nostre bien, que de n'auoir plus de tels voisins? Et ie dis que c'est nostre mal d'auoir des patriots seditieux cõme toi? i'appelle tes demãdes des presomptions, & tu les nõmes cõseils? Ie trouue tes entreprises hazardeuses, & tu les tiẽs toutes assurees. Ie doute du peril, & tu promets la victoire? N'est-ce pas remeritẽ à toi de nous faire armer contre des peuples nos cõfederez? Nõ dis-tu, c'est prudence d'enseigner la façõ de les vaincre? N'est ce pas ruine de mettre les suiets en armes pour reprẽdre l'heritage qu'on peut auoir par la raisõ? Non, dis-tu c'est auantage de le sçauoir acquerir? N'est-ce pas se hazarder d'ẽstre sans conduite à ses desseins? Non, c'est s'assurer en les taisans? Voilã donc pourquoy tu nous hazardes bien en les publiãt. N'y a-il pas du peril

de combattre contre la raison? non, c'est vn trophée de la vaincre. Tu ne respōds rié? ie prouue & nie ta faute: Tu aduoüe ce-luy là & reprouue cestui-cy. Tu es resolu à ceste auēture? & moi à contrepoīcter tes aduis, & m'exposer à tous perils pour le soulagement du peuple. Est-ce estre Soldat, de donner vne loy à son Prince, & reietter celle qu'il donne à ses suiets? Est-ce estre François de vouloir troubler le repos de la Frāce, & rallumer les feux, renouueller les assassins, & bref desirer la mort des Frāçois? Ce m'est assez de t'auoir remōstré ta faute, au moins n'éserai-je point coupable deuant Dieu, sās t'vser de plus de discours pour faire voir tōi insolēce.

Il me semble que i'entends le Roy qui dit, i'ay assez combattu ie viens secouer la poussiere de Mars, pour me reposer sous l'arbre heureux de la Paix, ie ne veux pas entretenir des haines

immortelles: & bien que i'ay du
 bõ-heur à mes entreprises, si ne
 veux-je pas tenir les armes. Nõ
 Sire, ce n'estoit pas à vous à la
 demãder estant au dessus de vos
 affaires: mais bien de la donner
 comme vous auez fait. Vous e-
 stiez fasché de voir les champs
 en friches, les habitans esgarez
 vn amas des cendres des toicts
 & maisons bruslées, qui tenoiët
 sous soy du peuple enseuely:
 D'ailleurs la plus cruelle guerre
 se doit tousiours terminer par
 vne Paix: le nom en est doux,
 l'effect en est salutaire non les
 hõmes seulemēt, mais les chãps
 & autres choses à qui la nature
 à denié le sentimēt semble s'en
 ressiouir. La Paix est la meilleure
 chose que l'homme puisse co-
 gnoistre, & plus à estimer que
 beaucoup de triumphes: Il faut
 dõc recourir à elle aulli biẽ ceux
 qui se veulent conseruer, que
 ceux qui abbayët apres la gloi-
 re. Il est de besein que le vaincu

la demande , & expedient que le vainqueur l'oütroie, pour leur estre esgallemēt vtile. Quel besoin est-il donc de reprēdre les armes, puis qu'il est bien seant à vn prince victorieux d'entendre à la Paix, à fin qu'il face iuger qu'ayant cōmencé iustemēt la guerre, que iustemēt il la peut finir? Escoutons sainct Bernard qu'i s'escrie, Que ceux qui desirerent de la gloire & méprisent la Paix, perdēt l'vne & l'autre: Que peut on esperer à continuer la guerre qu'vn déplaisir de sa lōgueur , ou vn peril à la precipiter. Themistocle vouloit qu'on fist des pōts d'argēt aux Soldats de Xerxes encores qu'ils eussēt esté mis en route, craignāt que la contrainte ne les desesperast, en sorte, qu'ils en combattissent plus furieusement: Il sçauoit biē que lors que les choses sont ruinées, que la necessité apprend à ietter le dé, aussi les derniers effortsont le plus de violēce. Il est

bien dangereux d'estre mordu
d'une beste qui meure: Aussi est
il perilleux d'estre cōbatu d'un
peuple qui veut véger sa honte.
Licurgue defédoit de combattre
souuēt cōtre des mesmes enne-
mis, de peur qu'estans cōtrains
de se defédre, ils deuinsent plus
experimentez & courageux.

Voilà pourquoy ayant com-
battu si long temps contré les
Espagnols, le Roy se resolut
de trouuer au repos de ses sub-
iets, les felicitez de sō regne. Et
pour monstrier qu'il scait com-
mencer & finir la guerre, il ne re-
fuse au milieu de tāt de prosperi-
té la Paix, laquelle se traite
entre ces deux Roys. Le Pape cō-
me pere commun, la moyenna
par l'entreprise de monsieur sō
Legat, & les deputez de part &
d'autre y apporterēt tāt de pru-
dence & d'integrité, qu'apres a-
uoir vaincu des difficultez in-
uincibles: elle fut resoluë à Ver-
uius au contentement & cōtre

l'attêre de tout le peuple, & iurée par le Roy entre les mains de M. le Legat en l'Eglise de nostre Dame de Paris, où Messieurs le Duc d'Ascot, le Comte d'Aremberg, l'Admiral d'Arrgō, & Dō Ludouic Velasques Ambassadeurs du Roy d'Espagne se trouuerent avec des resiouissances, & exclumatiōs pour la prosperité de ces deux grāds Monarques, plus aisées à croire qu'à représenter.

Le Roy dōt l'ame à tousiours esté vn tēple de verité, & sa bouche vn oracle, declara de quelle sincerité & affection il desiroit que ceste Paix fust obseruée, s'ejouit de la perfectiō d'un si grād œuure avec Mōsieur le Legat, messieurs les deputez d'Espagne les inuita & cōduit à disner en la grād' salle de l'Euesché, beut par deux fois à sa sāté du Roi d'espagne.

Que si la ioye nous estans encores vne passion tāt incognuë pour la longue habitude que

nous auôs au dueil & angouïſſes
ne nous laiſſit, ne nous rait, ne
nous fait fondre en nouuelles
allegreſſes, & que la ſouuenance
& l'aigreur des choſes paſſées
nous empêche de gouſter la
douceur du bien qui ſe preſen-
te, au moins conſiderons les ef-
cueils, les dangereuſes nouës
d'eaux que nous auons paſſé
par tout le cours de ceſte guer-
re, à fin qu'impudemment nous
ne retournions en ceſte tem-
peſte: car les ſeconds naufrages
ſont plus malheureux & ſeſui-
tent moins que les premiers.

F I N.